

盧李尚書詩集全集
附李氏事蹟



叢書集成初編

(補印本)

盧仝集及其他一種

一九三九年十二月初版

一九六〇年一月補印

商務印書館出版

上海虹口印刷廠印刷

盧仝集卷一

月蝕詩

唐范陽盧仝著

新天子卽位五年歲次庚寅斗柄插子律調黃鐘森森萬木夜殭立寒氣聳屬風一作頑無風爛銀盤從海
 底出出來照我草屋東天色紺滑凝不流冰光交貫寒臃臃初疑白蓮花浮出龍王宮八月十五夜比並
 不可雙此時怪事發有物吞食來一本有輪中字輪如壯士斧斫壞桂似雪山風拉摧百鍊鏡照見膽平地埋
 寒灰火龍珠飛出腦卻入蚌蛤胎摧環一作摧輪破壁眼看盡當天一搭如煤炷磨蹤滅跡須臾間便似
 萬古不可開不料至神物有此大狼狽星如撒沙出爭頭事光大奴婢炷暗燈一作燈看揜切烏感菱如玳瑁今
 夜吐餞長如一作長虹孔隙千道射戶外玉川子涕泗下中庭獨自行念此日月者太陰太陽精皇天要識
 物日月乃化生走天汲汲勞四體與天作眼行光明此眼不自保天公行道何由行吾見陰陽家有說望
 日蝕月月光滅朔月掩日日光缺兩眼不相攻此說吾不容又孔子師老子云五色令人目盲吾恐天似
 人好色卽一作則喪明幸且非春時一作晴萬物不嬌榮青山破瓦色綠水冰崢嶸花枯無女豔鳥死沈歌聲
 頑冬何所好偏使一目盲傳一作又聞古老說蝕月蝦蟆精徑圓千里入汝腹汝一作如此癡骸一作阿誰一作
 何生可從海窟來便解緣青冥恐是匪睫間揜揜一作塞所化成黃帝有二目帝舜重瞳明二帝懸四目四

海生光輝。吾不遇二帝。滉漭不可知。何故矐子上。坐受一作使。蟲豸欺。長嗟白兔搗靈藥。恰似有意防姦非。

藥成滿白不中度。委任白兔夫何爲。憶昔堯爲天。十日燒九州。金燂水銀流。玉燂音炒一作燂。丹砂焦。六合烘。

爲窰音遙一作窰。堯心增百憂。帝天一作天。見堯心憂。勃然發怒決洪流。立擬沃殺九日妖。天高日走沃不及。但見

萬國赤子。鱗鱗一作戢。生魚頭。此時九御導九日。爭持節幡麾幢旒。駕車六九五十四頭蛟螭虬。掣電九火

朝。汝若蝕開齧齧一作齧。輪一作輪。御一作御。轡執索相爬鉤。推蕩轟旬一作旬。入汝喉。紅鱗燄鳥燒口快。翎鬣倒側聲

醜。鄒撐腸拄肚礪傀一作傀。如山邱。自可飽死更不偷。不獨填飢坑。亦解堯心憂。恨汝時一本無時字。當食藏一作

埋。頭擻腦不肯食。不當食。張脣哆背食不休。食天之眼養逆命。安得上天一作天。帝請汝劉。嗚呼。人養虎。被虎

齧。天媚蟆。被蟆瞎一作天。蝦一作天。蠹一作天。敢將天眼瞎。乃知恩非類。一一自作孽。吾見患眼人。必索良工訣。孫注訣當作抉。想天

不異人。愛眼固應一。安得常娥氏。來習扁鵲術。手操春喉戈。去此睛上物。其初一作初。猶朦朧。既久如一作似

抹漆。但恐功業成。便此不吐出。玉川子又涕泗下。心禱再拜額一作額。揚。砂土中。地上蟣虱臣。全告愬帝天。

皇。臣心有鐵一寸。可剗妖蟆癢腸上一作皇。天不爲臣立梯磴。臣血肉身無由飛上天。揚天光。封詞付與小

心風。一作先封辭。賦一作賦。排闥闔。入紫宮。密邇玉几前。擘坼奏上臣。全頑愚胸。敢死橫干天。代天謀其長。

一作敢死橫。千天一作甚長。東方蒼龍。角插戟。尾掉風。當心開明堂。統領三百六十鱗蟲。坐理一作治。東方宮。月蝕不救援。

安用東本龍。南方火鳥赤潑血。項長尾短飛跋躐。一作刺。頭戴井一作丹。冠高遠一作遠。枿。月蝕鳥宮十三一作二。

度。烏爲居停主人不覺察。貪向何人家。行赤口毒舌。毒蟲頭上喫。卻月不啄殺。虛眨鬼眼明。赤一作赤。突窰音

血烏罪不可雪。西方攬虎立踦踦。音斧爲牙。整爲齒。偷犧牲。食封豕。大螻。一樹。固當輒美。見似不見。是何

道理。爪牙根天不念天。天若准擬錯准擬。北方寒龜被地縛。藏頭入殼如入獄。她筋束緊束破殼。寒龜夏

鼈一種味。且當以其肉充臚。死殼沒信處。一作且當臚其肉。唯堪支牀脚。不堪中。鑽灼與天下字。一本有

歲星主福德。官爵奉董秦。忍使黔婁生。覆尸無衣巾。天失眼不弔。歲星胡其仁。焚惑嬰鏹翁。執法大不中。

月明無罪過。不糺蝕月蟲。年年十月朝太微。支盧譎罰何災凶。土星與土性相背。反養福德生禍害。到人

頭上死破敗。今夜月蝕安可會。太白眞將軍。怒激鋒鏖生。恆州陣斬鄴定進。項骨脛甚春蔓菁。天唯兩眼

失一眼。將軍何處行。天兵辰星任廷尉。天律自主持。人命在盆底。固應樂見天盲時。天若不肯信。試喚臯

陶鬼一問。一如今日。孫本作一問而今。○按四庫提要云。試喚臯陶鬼一問而今。三台文昌宮。作上天作

上。紀綱。環天二十八宿。一本無。磊磊尙書郎。整頓排班行。劍握他人將。一四太陽側。一四天市帝。傍操

斧代大匠。兩手不怕傷。弧矢引滿反射人。天狼呀啄明煌煌。癡牛與駭女。不肯勤農桑。徒勞含淫思。旦夕

遙相望。蚩尤簸旗弄旬朔。始槌天鼓鳴璫琅。枉矢能龍。蛇行。眊目森森張。天狗下舐地。血流何滂滂。譎

險萬萬黨。架構一作構架何可當。昧一作目疊成就。害我光明王。請留北斗一星相北極。一作精留北極。指麾萬

國懸中央。此外盡掃拂。一作除堆積一作砂磧如山岡。贖我父母光。當時常一作恆星沒。殞一作星雨如迸一作漿似

天會事發。叱喝誅奸強。一作狂何故中道廢。自遺今日殃。善善又惡惡。郭公所以亡。願天神聖心。無信他人

忠。玉川子詞訖。風色緊格格。近月黑暗邊。有似動劍戟。須臾癡蟆精。兩吻自決坼。初露半箇壁。漸吐滿輪

盡原赦。一蟆獨誅磔。腹肚忽脫落。依舊挂穹碧。光彩未蘇來。慘澹一片白。奈何萬里光。受此吞吐厄。再得見天眼。感荷天地力。或問玉川子。孔子修春秋。二百四十年。月蝕盡不收。今子咄咄詞。頗固一作合孔意不。玉川子笑笑。或請聽逗留。孔子父母魯。諱魯不諱周。書外書大惡。故月蝕不見收。子命唐天口。食唐土。唐禮過三。唐樂過五。小猶不說。大不可數。災沴無有。小大瘡。安得一本無得字。引衰周。研覈其一本無其字。可否。日分晝。月分夜。辨寒暑。一主刑。二主德。政乃舉。孰為一作人面上。一目偏可去。願天完兩目。照下萬方土。萬古更不替。萬萬古更不替。照萬古。孫本作照下萬方土。更不替萬萬古。少八字。

哭玉碑子

山有洞左頰。拾得玉碑子。其長一周尺。其闊一藥匕。顏色九秋天。稜角四面起。輕敲吐寒流。清悲動神鬼。稽首置手中。只似一片水。至文反無文。上帝應有以。予疑仙石靈。願以仙人比。心期香湯洗。歸送籙室裏。頗奈窮相驢。行動如跛鼈。十里五里行。百蹶復千蹶。顏子不少天。玉碑中路折。橫文尋龜兆。直理任瓦裂。劈竹不可合。破環永離別。向人如有情。似痛滴無血。勘鬪平地下。罅坼多齧缺。百見百傷心。不堪再提挈。怪哉堅貞姿。忽一作脆不堅固。矧曰人間人。安能保常度。敢問生物成。敗為有真素。為稟靈異氣。不得受穢污。驢罪真不厚。驢生亦錯誤。更將前前行。復恐山神怒。白雲翁閉嶺。高松吟古墓。置此忍其傷。驅驢下山路。一作去。

觀放魚歌

常州賢刺史。從諫議大夫除。天地好生物。刺史性與天地俱。見山客狎魚鳥。坐山客北亭湖。命舟人駕舫。子漾漾菰蒲。酒興引行處。正見漁人魚。刺史密會山客意。復念網羅嬰無辜。忽脫身上殷緋袍。盡買罟獲。盡有無。鰻鱧鮠鱖。涎惡最頑愚。鱗魴見幽風。質幹稍高流。時白噴雪。鮒鯉裔。此輩肥脰爲絕尤。老鯉變化頗神異。三十六鱗如抹朱。水苞宏窟有蛟鼉。餌非龍餌唯無鱸。鬻雜百千頭。性命懸須臾。天心應刺史。刺史盡活諸。一一投深泉。跳脫不復拘。得水競騰突。動作詭怪殊。或透藻而出。或破浪而趨。或掉尾子子。或奮鬣愉愉。或如鶯擲梭。一本缺此三字或如蛇銜珠。四散漸不見。島嶼徒縈紆。鵝鵝鴿鷗鳧。喜觀爭叫呼。小蝦亦相慶。繞岸搖其鬚。乃知貪生不獨頑癡夫。可憐百千命。幾爲中腸菹。若養聖賢真。大烹龍髓敢惜乎。苦痛如今人。盡是魚食魚。族類恣飲噉。強力無親疏。明明刺史心。不欲與物相欺誣。岸蟲兩與命無意。殺此活彼用賊徒。亦憶清江使。橫遭乎余且。聖神七十鑽。不及泥中鱸。哀哉託非賢。五臟生冤讎。若當刺史時。聖物保不囚。不疑且不下。二子安能諛。二子儻故諛。吾知心受誅。禮重一草木。易卦稱中孚。又曰釣不綱。又曰遠庖廚。一作改仁人用心。刺史盡合符。昔魯公觀棠距箴。遂被孔子貶。而書今刺史好生德。治民心。誰爲刺史一褒譽。刺史自上來。德風如草鋪。衣冠與廢禮。百姓減暴租。豪猾不豪猾。鰥孤不鰥孤。開古孟。瀆三十里。四千頃泥坑。爲膏腴。刺史視之總若無。訟庭雀噪坐不得。湖上拔菱植芙蓉。勝業莊中二桑門。時時對坐談真如。因說十千天子事。福力當與刺史俱。天雨曼陀羅花深沒膝。四十千真珠瓔珞堆高樓。此中一作怪特不可會。但慕刺史仁有餘。刺史敕左右兼小家生。一本有字奴慎勿背我沈毒鈎。念魚承奉刺。

史仁深僻處，遠遠遊。刺忠官職小，教化未能敷。第一莫近人，惡人唯口腴。第一莫出境，四境多網罟。重傷刺史心，喪爾微賤軀。

示添丁

春風苦不仁，呼逐馬蹄行人家。慚愧瘴氣卻憐我，入我憔悴骨中爲生涯。數日不食強強行，一作強起行何忍索我抱看滿樹花。不知四體正困憊，泥人啼哭聲呀呀。忽來案上翻墨汁，塗抹詩書如老鴉。父憐母惜擱不得，卻生癡笑令人嗟。宿春連曉不成米，日高始進一椀茶。氣力龍鍾頭欲白，憑仗添丁莫惱爺。

寄男抱孫

別來三得書，書道遠離久。書處甚羸殺，且喜見汝手。般十七又報汝文頗新有，別來纔經年，囊盎未合斗。當是汝母賢，日夕加訓誘。尚書當畢功，禮記速須剖。嘍囉兒讀書，何異摧枯朽。尋義低作聲，便可養年壽。莫學村學生，羸氣強叫吼。下學偷功夫，新宅鋤藜莠。乘涼勸奴婢，園裏耨葱韭。遠籬編榆棘，近眼栽桃柳。引水灌竹中，蒲池一作滿池種蓮藕。撈漉蛙蟬腳，莫遣生科斗。竹林吾最惜，新筍好看守。萬籜苞龍兒，攢迸溢一作隘。林藪吾眼恨不見，心腸痛如擲。宅錢都未還，債利日日厚。籜龍正稱冤，莫殺入汝口。丁甯囑託汝，汝活籜龍不般十七老儒。是汝父師友，傳讀有疑悞。輒告諮問取，兩手莫破拳。一吻莫飲酒，莫學捕鳩鴿。莫學打雞狗，小時無大傷。習性防已後，頑發苦惱人。汝母必不受，任汝惱弟妹。任汝惱姨舅，姨舅非吾親。弟妹多老醜，莫惱添丁郎。淚子作面垢，莫引潑丁郎。赫赤日裏走，添丁郎小小。別吾來久久，肺腑不得喫。兄

兄莫撻搜他日吾歸來家人若彈紉一百放一下打汝九十九

自詠三首

本集云玉川子臨終旬月作此詩蓋有曳杖起起之知也

爲報玉川子知君未是賢低頭雖有地仰面輒無天骨肉清成瘦高蔓老覺羶家書與心事相伴過流年
盧子隴踵一作龍鍾也賢愚總莫驚蚊蟾當家口草石是親情萬卷堆胸朽三光撮眼明翻悲廣成子閑氣說長生

物外無知己人間一癡王生涯身是夢耽樂酒爲鄉日月黏鬢髮雲山鎖肺腸愚公只公是不用謾驚張

送王儲詹事西遊獻兵書

一本分三首

美酒撥醅酌楊花飛盡時落日長安道方寸無人知篋中制勝術氣雄屈指筭半醉千般勤仰天一長歎
玉匣百鍊劍龜文又龍吼抽贈王將軍勿使虛白首

送邵兵曹歸江南

春風楊柳陌連騎醉離觴千里遠山碧一條歸路長花開愁北渚雲去渡南湘東望濛濛處煙波是故鄉

寄外兄魏澈

何處堪惆悵情親不得親興甯樓上月辜負酒家春

喜逢鄭三遊山

相逢之處花茸茸石壁攢峰千萬重他日期君何處好寒流石上一株松

卓女怨

妾本懷春女。春愁一作不自任。迷魂隨鳳客。嬌思入琴心。託援交情重。當壇酌意深。誰家有夫婿。作賦得黃金。

守歲二首

去年一作去。留不住。年來也任他。當壇一榼酒。爭奈兩年何。
老來經節臘。樂事甚悠悠。不及兒童日。都盧不解愁。

新月事文類聚作梁劉琨時

仙宮雲箔卷。露出玉簾鉤。清光無所贈。相憶鳳皇樓。

解悶

人生都幾日。一半是離憂。但有尊中物。從他萬事休。

楊子津

風卷魚龍暗楚關。白波沈卻海門山。鵬騰鼈倒且快性。地坼天開總是閑。

人日立春

春度春歸無限春。今朝方始覺成人。從今尅一作己應猶及。顏一作頤與梅花俱自新。

送尉遲羽之歸宣州

君歸乎。君歸與不孤。謝眺澄江今夜月。也應憶著此山夫。

悲新年

新年何事最堪悲。病客遙聽百舌兒。太歲只遊桃李徑。春風肯管歲寒枝。一作青風肯換歲寒枝。

憶酒寄劉侍郎

愛酒如偷蜜。憎醒似見刀。君爲麴蘖主。酒醴一作醒莫辭勞。

白鷺鷥

刻成片玉白鷺鷥。欲捉纖鱗心自急。翹足沙頭不得時。傍人不知謂閑立。

風中琴

五音六律十三徽。龍吟鶴響思庖羲。一彈流水一彈月。水月風生松樹枝。

感秋別怨

霜秋自斷魂。楚調怨離分。魄散瑤臺月。心隨巫峽雲。蛾眉誰共畫。鳳曲不同聞。莫似湘妃淚。斑斑點點裙。

新蟬

泉溜潛幽咽。琴鳴乍往還。長風翦不斷。還在樹枝間。

題褚遂良孫庭竹

負霜停雪舊根枝。龍笙鳳管君莫截。春風一番琴上來。搖碎金尊碧天月。

訪含曦上人

三入寺曦未來。轆轤無人一作無繩。井百尺。渴心歸去生塵埃。

客淮南病

揚州蒸毒似口湯。客病清枯鬢欲霜。且喜閉門無俗物。四肢安穩一張牀。

村醉

昨夜村飲一作村醉一作村。歸健一作。倒三四五。摩挲青莓苔。莫嗔驚著汝。一作摩娑莓苔。背喚我驚汝不。

蕭宅二三子贈答詩二十首序

蕭才子修文行名聞。將遷家于洛。賣揚州宅未售。玉川子客揚州。羈旅識蕭。遂館蕭未售之宅。既而蕭有事于歙州。玉川子欲歸洛。憶蕭遂與砌下二三子酬酢說相媿意。俄而二三子有憂宅售心。與其他人手孰與洛客。以蕭故。亦有勉強不能逆其情。文以見意。遂盡錄寄蕭。天知地知。非苟有所欲。二三子心遠訥。君子蕭乎蕭乎。君歸不得見者。細長三四片者乎。

客贈石

竹下青莎中。細長三四片。主人雖不歸。長見主人面。

石讓竹

自願撥一作不轉。何敢當主人。竹弟有清風。可以娛嘉賓。

竹答客一作竹

竹弟謝石兄。清風非所任。隨分有蕭瑟。實無堅重心。

石請客

竹弟雖讓客。不敢當客恩。自慙埋沒久。滿面蒼苔痕。

客答石

遍索天地間。彼此最癡癡。主人幸未來。與君爲莫逆。

石答竹

石報孤竹君。此客甚高調。共我相共癡。不怕主人天下笑。我非螻蛄兒。我非桃李枝。不要兒女撲。不要春風吹。苔蘚印我面。雨露皴我皮。此故不嫌我。突兀蒙相知。此客卽西歸。我心徒依依。我欲隨客去。累重不解飛。知弟虛心亦待客。此客何以共報之。

竹請客

我本泰山阿。避地到南國。主人欲移家。我亦要歸北。上客幸先歸。願託歸飛翼。唯將脩脩一作修修風。累路報恩德。

客謝竹

揚州駁雜地。不辨龍蛇當作。客身正乾枯。行處無膏澤。太山道不遠。相庇實無力。君若隨我行。必有煎

茶厄。

石請客

啓母是諸母。三十六峰是諸父。知君家近父母家。小人安得不懷土。憐君與我金石交。君歸可得共載否。小人無以報君恩。使君池亭風月古。

客謝石

我有水竹莊。甚近嵩之巔。是君歸休處。可以終天年。雖有提攜勞。不憂糧食錢。但恐主人心。疑我相□□。石再請客。

主人若知我。應喜我結得君。主人不知我。我住何求于主人。我在天地間。自是一片物。可得枉壓我。使我頭不出。

客許石

石公說道理。句句出凡格。相知貴知心。豈恨主爲客。過須歸去來。旦晚上無厄。主人誠賢人。多應不相責。

井請客

我生天地間。願是往還數。已效炊爨勞。我亦不願住。君有造化力。在君一降願。我願拔黃泉。輕舉隨君去。

客謝井

改邑不改井。此是井卦辭。井公莫怪驚。說我成憨癡。我縱有神力。爭敢將公歸。揚州惡百姓。疑我卷地皮。

馬蘭請客

蘭蘭是小草，不怕郎君罵。願得隨君行，暫到嵩山下。

客請馬蘭

嵩山未必憐蘭蘭，蘭蘭已受郎君恩。不須刷帚跳蹤走，只擬一作蘭浪一作郎一作出其門。

蛺蝶請客

粉末爲四體，春風爲生涯。願得紛飛去，與君爲眼花。

客答蛺蝶

答請一作

君是輕薄子，莫窺君子腸。且須看雀兒，雀兒銜爾將。

蝦蟇請客

凡有水竹處，我曹長先行。願君借我一勺水，與君晝夜歌德聲。

客請蝦蟇

蝦蟇蟬叩頭，莫語人聞聲。揚州蝦蟇忽得便，腥臊臭穢逐我行。我身化作青泥坑。

盧仝集卷二

龜銘

龜、汝靈於人。不靈於身。致網於津。吾靈於身。不靈於人。致走於塵。龜、吾與汝鄰。

梳銘

有髮兮朝朝思理。有身兮胡不如是。

小婦吟

小婦欲入門。隈門勻紅妝。大婦出門迎。正頓羅衣裳。門邊兩相見。笑樂不可當。夫子於傍聊一作斷腸。小婦哆一作嚶。上高堂。開玉匣。取琴張。陳金疊。酌滿觴。願言兩相樂。永與同心事。我郎夫子於傍剩欲狂。珠簾風度百花香。翠帳雲屏白玉牀。啼鳥休啼花莫笑。女英新喜得娥皇。

月下寄徐希仁

夜半沙上行。月瑩天心明。沙月浩無際。此中離思生。上天何寥廓。下地何崢嶸。吾道豈已矣。爲君傾兕觥。

贈徐希仁石硯別

靈山一片不靈石。手斲成器心所惜。鳳鳥不至池不成。蛟龍乾蟠水空滴。青松火鍊翠煙凝。寒竹風搖遠天碧。今日贈君離別心。此中至淺造化深。用之可以過珪璧。棄置還爲一片石。

有所思

當時我醉美人家。美人顏色嬌如花。今日美人棄我去。青樓珠箔天之涯。一本無天天涯一本無二字娟娟姮娥月。三五二八一本無二字盈又缺。翠眉蟬鬢生別離。一望不見心斷絕。心斷絕。幾千里。夢中醉臥巫山雲。覺來淚滴湘江水。湘江兩岸花木深。美人不見愁人心。含愁更奏綠綺琴。調高弦絕無知音。美人兮。美人不知爲暮雨兮爲朝雲。相思一夜梅花發。忽到窗前疑是君。

樓上女兒曲

誰家女兒樓上頭。指揮婢子挂簾鉤。林花撩亂心之愁。卷卻羅袖彈箜篌。箜篌歷亂五六弦。羅袖掩面啼向天。相思弦斷一作天情不斷。落花紛紛心欲穿。心欲穿。憑欄干。相憶柳條綠。相思錦帳寒。直緣感君恩愛一迴顧。使我雙淚長珊瑚。一作潛潛我有嬌靨待君笑。我有嬌蛾待君掃。鴛花爛熳君不來。及至君來花已老。心腸寸斷誰得知。玉塔巖歷生青草。

秋夢行

客行一夜秋風起。客夢南遊渡湘水。湘水泠泠徹底清。二妃怨處無限情。娥皇不語啓嬌靨。女英目成轉心愜。長眉入鬢何連娟。肌膚白玉秀且鮮。裴回共詠東方日。沈吟再理南風弦。聲斷續。思緜緜。中含幽意兩不宜。殷勤纖手驚破夢。中宵寂寞心悽然。心悽然。腸亦絕。寐不寐。今玉枕寒。夜深夜兮霜似雪。鏡中不見雙翠眉。臺前空挂纖纖月。纖纖月。盈復缺。娟娟似眉意難訣。願此眉兮如此月。千里萬里光不滅。

自君之出矣

自君之出矣。壁上蜘蛛織。近取見妾心。夜夜無休息。妾有雙玉環。寄君表相憶。環是妾之心。玉是君之德。馳情增悴容。蓄思損精力。玉篋寒悽悽。延想心惻惻。風含霜月明。水泛碧天色。此水有盡時。此情無終極。

走筆謝孟諫議寄新茶

日高丈五睡正濃。軍將打門驚周公。口云諫議送書信。白絹斜封三道印。開緘宛見諫議面。手閱月團三百片。聞道新年入山裏。蟄蟲驚動春風起。天子須一作賜一作未嘗陽羨茶。百草不敢一作肯先開花。仁風暗結珠璣璫。先春抽一作出黃金芽。摘鮮焙芳旋封裹。至精至好且不奢。至尊之餘合王公。何事便到山人家。柴門反關無俗客。紗帽籠頭自煎喫。碧雲引風吹不斷。白花浮光凝碗面。一碗喉吻潤。兩碗破孤悶。三碗搜枯腸。唯有文字五千卷。四碗發輕汗。平生不平事。盡向毛孔散。五碗肌骨清。六碗通仙靈。七碗喫不得也。唯覺兩腋習習清風生。蓬萊山在何處。玉川子乘此清風欲歸去。山上羣仙司下土。地位清高隔風雨。安得知百萬億蒼生。墮在巔崖受辛苦。便爲諫議問蒼生。到頭還得蘇息否。

冬行三首

蟲豸臘月皆在蟄。吾獨何乃勞其形。小大無由知天命。但怪守道不得甯。老母妻子一揮手。涕下便作千里行。自顧不及遭霜葉。旦夕保得同飄零。達生何足云。偶然苦樂經其身。古來堯孔與桀跖。善惡何補如今人。

長年愛伊洛。決計卜長久。賒買里仁宅。水竹且小有。賣宅將還資。舊業苦不厚。債家徵利心。餓虎血染口。臘風刀刻肌。遂向東南走。賢哉韓員外。勸我莫強取。憑風謝長者。敢不愧心苟。賃載得估舟。估雜非吾偶。壯色排榻席。別座夸羊酒。落日無精光。啞暝被掣肘。漕石生齒牙。洗灘亂相振。奔澌嚼篙杖。夾岸雪龍吼。可憐聖明朝。還爲喪家狗。通運隔南溟。債利柱^{一作}挂。北斗揚州屋舍賤。還債堪了不。此宅貯書籍。地溼憂蠹朽。賈僕舊相識。十年與營守。貧交多變態。僕得君子不利命。子罕言。我誠孔門醜。且貴終焉圖。死免慙狐首。何當歸帝鄉。白雲永相友。

不敢唾汴水。汴水入東海。污泥龍王宮。恐獲不敬罪。不敢蹋汴堤。汴堤連秦宮。蹋盡天子土。餽餽無由通。此言雖太闊。且是臣心腸。野風結陰兵。千里鳴刀槍。海月護羈魄。到曉點孤光。上不事天子。下不識侯王。夜半睡獨覺。爽氣盈心堂。顏子甚年少。孔聖同行藏。我年過顏子。敢道不自強。船人雖奴兵。亦有意智長。問我何所得。樂色填清揚。我報果有爲。孔經在衣裳。

常州孟諫議座上聞韓員外職方貶國子博士有感五首

忽見除書到。韓君又^{一作}文。學官死生縱^{一作}從。有命人事始知難。烈火先燒玉。庭蕪不養蘭。山夫與刺史。相對兩巘巘。

干祿無便佞。宜知黜此身。員郎猶小小。國學大頻頻。孤宦心肝直。天王苦死噴。朝廷無諫議。誰是雪韓人。何事遭朝貶。知^{一作}何被不容。不如^{一作}思所自。只欲涕無從。爵服何曾好。荷衣已慣縫。朝官莫相識。歸

去老巖松。

力小垂垂上。天高又不登。致身唯一己。獲罪則顏朋。祿位埋坑窞。康莊壘劍稜。公卿共惜取。莫遣玉山崩。
誰憐野田子。海內一韓侯。左道官雖樂。剛腸得健無。全自注云。武侯反。功名生地獄。禮教死天囚。莫言耕種好。須避羨藜秋。

夏夜聞蚯蚓吟

夏夜雨欲作。傍砌蚯蚓吟。念爾無筋骨。也應天地心。汝無親朋累。汝無名利侵。孤韻似有說。哀怨何其深。
泛泛輕薄子。旦夕還謳吟。肝膽異汝輩。熱血徒相侵。

揚州送伯齡過江

伯齡不厭山。山不養伯齡。松顛有樵墮。石上無禾生。不忍六尺軀。遂作東南行。諸侯盡食肉。壯氣吞八紘。
不啣溜鈍漢。何由通姓名。夷齊餓死日。武王稱聖明。節義士枉死。何異鴻毛輕。努力事干謁。我心終不平。
憶金鵝山沈山人二首

君家山頭松樹風。適來入我竹林裏。一片新茶破鼻香。請君速來助我喜。莫合九轉大還丹。莫讀三十六。
部大洞經。閑來共我說真意。齒下領取真長生。不須服藥求神仙。神仙意智或偶然。自古聖賢放入土。淮。
南鷄犬驅上天。白日上昇應不惡。藥成且輒一丸藥。暫時上天少問天。蛇頭蝟尾誰安著。
君愛鍊藥藥欲成。我愛鍊骨骨已清。試自比較得仙者。也應合得天上行。天門九重高崔嵬。清空鑿出黃。

金堆夜叉守門晝不啓。夜半醮祭夜半開。夜叉喜歡動關鎖。鎖聲掣地生風雷。地上禽獸重血食。性命血化飛黃埃。太上道君蓮花臺。九門隔闔安在哉。嗚呼沈君大藥成。兼須巧會鬼物情。無求長生喪厥生。

寄蕭二十三慶中

蕭乎蕭乎。憶蕭者嵩山之盧。盧揚州。蕭歙州。相思過春花。鬢毛生麥秋。千災萬怪天南道。猩猩鸚鵡皆人言。山魃吹火蟲入椀。鳩鳥呪詛鮫吐涎。就中南瘴欺北客。憑君數磨犀角喫。我憶君心千百間。千百間君何時還。使我夜夜勞魂魄。

贈金鵝山人沈師魯第二十一句缺一字

金鵝山中客。來到揚州市。買藥牀頭一破顏。撒然便有上天意。日月高挂元關深。金膏切淬肌骨異。人皆食穀與五味。獨食太和陰陽氣。浩浩流珠走百關。縣縣若存有深致。種玉不耕山外非。內粹鑿儒關。決文泉。彰風雅。因君不復墜。光不外照刃不磨。迴避人間惡富貴。三日四日五六日。盤礴化元搜萬類。晝飲與酣陶天和。夜話造微口精魅。示我插血不死方。賞我風格不肥膩。肉眼不識天上書。小儒安敢窺奧祕。崑崙路隔西北天。三山後浮不著地。君到頭來上一作憶我時。金簡爲吾鐫一字。

歎昨日三首

昨日之日不可追。今日之日須臾期。如此如此復如此。壯心死盡生鬢絲。秋風落葉客腸斷。不辦斗酒開愁眉。賢名聖行甚辛苦。周公孔子一作徒自欺。一作骨朽名揚徒爾爲

天下薄夫苦耽酒。玉川先生也耽酒。薄夫有錢恣一作資張樂。先生無錢養恬漠。有錢無錢俱可憐。百年驟過如流川。平生心事消散盡。天上白日悠悠懸。

上帝板板主何物。日車劫劫西向沒。自古賢聖無奈何。道行不得皆白骨。白骨土化鬼入泉。生人莫負平生年。何時出得禁酒國。滿甕釀酒曝背眠。

月蝕詩

東海出明月。清明一作光照毫髮。朱弦初罷彈。金兔正奇絕。三五與二八。此時光滿時。頗奈蝦蟇兒。吞我芳桂枝。我愛明鏡潔。爾乃痕翳之。爾且無六翮。焉得升天涯。方寸有白刃。無由揚清輝。如何萬里光。遭爾小物欺。卻吐天漢中。良久素魄微。日月尚如此。人情良可知。

直鉤吟

初歲學釣魚。自謂魚易得。三十持釣竿。一魚釣不得。人鉤曲。我鉤直。哀哉我鉤釣一作又無食。文王已一作沒不復生。直鉤之道何時行。

與馬異結交詩

天地日月如等閑。盧仝四十無往還。唯有一片心脾骨。巉巖峯肆兀鬱律。刀劍爲峰巒。一作鋒鏑平地放著高如崑崙山。天不容地不受。日月不敢偷照耀。神農畫八卦。鑿破天心胸。女媧本是伏羲婦。一作女媧伏義妹。恐天怒。擣鍊五色石。引日月之針。五星之縷。把天補。補了三日不肯歸。婿家走向日中放老鷗。月裏栽桂養蝦

鱗。天公發怒化一作龍蛇。此龍此蛇得死病。神農合藥救死命。天怪神農黨龍蛇。翻神農爲牛頭。令載元

氣車。不知藥中有毒藥。藥殺元氣天不覺。爾來天地不神聖。日月之光無正定。不知元氣之不死。忽聞空

中喚馬異。馬異若不是祥瑞。空中敢道不容易。昨日全不全。異自異。是謂大全而小異。今日全自全。異不

異。是謂全不往兮異不至。直當中兮動天地。白玉璞裏斲出相思心。黃金鑛裏鑄出相思淚。忽聞空中崩

崖倒谷聲。絕勝明珠千萬斛。買得西施南威一雙婢。此婢嬌饒惱殺人。凝脂爲膚翡翠裙。唯解畫眉朱點

脣。自從獲得君。敲金撻玉凌浮雲。卻返顧一雙婢子何足云。平生結交苦少人。憶君眼前如見君。青雲欲

開白日沒。天眼不見此奇骨。此骨縱橫奇又奇。千歲萬歲枯松枝。半折半殘壓山谷。盤根蹙節成蛟螭。忽

雷一作當。霹靂卒風暴雨撼不動。欲動不動千變萬化。總是鱗皴皮。此奇怪物不可欺。盧仝見馬異。文章酌

得馬異胸心一作中事。風姿骨本一作恰如此。是不是。寄一字。

感古四首第四首
缺七字

天生聖明君。必資忠賢臣。舜禹竭股肱。共佐堯爲君。四載成地理。七政齊天文。階下冀莢生。琴上南風薰。輪轉夏殷周。時復猶一人。秦漢事讒巧。魏晉忘機鈞。猜忌相翦滅。爾來迷恩親。以愚保其身。不覺身沈淪。以智理其國。遂爲國之賊。苟圖容一身。萬事良可惻。可憐萬乘君。聰明受沈惑。忠良伏草莽。無因施羽翼。日月異又蝕。天地晦如墨。既亢而後求。異哉龍之德。

人生何所貴。所貴有終始。昨日盈尺璧。今朝盡瑕棄。蒼蠅點垂棘。巧舌成錦綺。箕子爲之奴。比干諫而死。

仲尼魯司寇。出走爲去聲羣婢。假如屈原醒。其奈一國醉。一國醉號呶。一人行清高。便欲激頽波。此事真徒勞。上山逢猛虎。入海逢巨鼈。王者苟不死。腰下魚鱗刀。東海波連天。三度成桑田。高岸高於屋。斯須變溪谷。天地猶尙然。人情難久全。夜半白刃讎。旦來金石堅。蕭綬旣解垢。陳印亦棄捐。竭節遇刀割。輸忠遭禍纏。不予衾之眠。信予衾之穿。鏡明一鏡不自照膏潤徒自煎。抱劍長太息。淚墮秋風前。

古來人一作不患寡。所患患不均。單醪投長河。三軍盡沈淪。今人異古人。結託唯親賓。毀垢維鵲巢。不行鴈鳩仁。鄙悛一作不識分。有心占陽春。鸞鶴日已疎。燕雀日已親。小物無大志。安測棲松筠。恩眷多棄故。物情尙逐新。瓦礫暫拂拭。光掩連城珍。肩吻恣談鑠。黃金同一作成。灰塵蘇秦北遊趙。張祿西入秦。旣變嫂叔節。仍擯華陽君。萬世金石交。一餉如浮雲。骨肉且不顧。何況長羈貧。

君莫以富貴。輕忽他年少。聽我暫話會稽朱太守。正受凍鵝時。索得人家貴傲婦。讀書書史未潤身。負薪辛苦胠生肘。謂言琴與瑟。糟糠結長久。不分殺人羽翮成。臨臨沖天婦嫌醜。□□□□□。其奈一朝太守振羽儀。鄉關晝行衣錦衣。哀哉舊婦何眉目。新婿隨行向天哭。寸心金石徒爾爲。杯水庭沙空自覆。乃知愚婦人。妒忌陰毒心。唯救眼底事。不思日月深。等閑取羞死。豈如甘布衾。

雜興

意智未成百不解。見人富貴亦心愛。等閑對酒呼三達。屠羊殺牛皆自在。放心爲樂笙歌攢。壯氣激作風霜寒。廚中玉饌盈金盤。方丈厭見嫌不餐。飛鷹躍馬實快性。脣腐齒爛空嘖嘖。豈期福極翻成禍。禍成身

誅家亦破。昨朝惆悵不如君。今日悲君不如我。否泰交加無定主。嬾學風雲戢翎羽。綠酒清琴好養生。出將入相無心取。三五圖書舊揣摩。五千道德新規矩。

酬徐公以新文見招

昨夜霜月明。果有清音生。便欲走相和。愁聞寒玉聲。

門箴一作錄

貪殘奸醜。狡佞訐愆。身之八殺。背惠恃己。狎不肖。妒賢能。一作才命之四孽。有是有此。子敢辭。無是無此。子之師。一日不見。子心思其人。懼其人。其交其難。敢告于門。

孟夫子生生亭賦

玉川子沿孟冬之寒流兮。輟權上登生生亭。夫子何之兮。面逐雲沒兮南行。百川注海而心不寫兮。落日千里凝寒精。予日衰期人生之世斯已矣。爰爲今日猶猶岐路之心生。悲夫。南國風濤。魚龍畜伏。予小子。蕭朴。必不能濟。夫子欲嗟自慙。承夫子而不失予兮。傳古道甚分明。予且廣孤目遐賚。一作賞于天壤兮。庶得外盡萬物變化之幽情。然後慙愧而來歸兮。大息吾躬于夫子之亭。

盧仝集卷二

走筆追王內邱

自識夫子面，便獲夫子心。夫子一啓顏，義重千黃金。平原孟嘗骨已土，始有夫子堪知音。忽然夫子不語，帶席帽騎驢去。余對醪醕不能斟，君且來，余之瞻望心悠哉。零雨其濛愁不散，閑花寂寂斑苔苔。不如對此景，含笑傾金壘。莫問四肢暢，暫取眉頭開。弦琴待夫子，夫子來不來。

思君吟寄□□生

題缺二字

我思君兮河之壩，我爲河中之泉。君爲河中之青天，天青青一作清。泉泠泠，泉含青天。天隔泉，我思君兮心亦然。心亦然，此心復在天之側。我心爲風兮淅淅，君身爲雲兮羃羃。此風引此雲兮雲不來，此風此雲兮何悠哉。與我身心雙裴回。

將歸山招冰僧

第七句缺一字

買得一片田，濟源花洞前。千里石壁坼，一條流泌泉。青松盤樛枝，森森上插青天。枝上有□猿，宿一本下重一宿字。處近鶴巢，清唳孤吟聲相交。月輪下射空洞響，絲篁成韻風蕭蕭。我心塵外心，愛此塵外物。欲結塵外交，苦無塵外骨。泌一本此字。泉有冰公，心靜見真佛。可結塵外交，占此松與月。

酬願公雪中見寄

積雪三十日。車馬路不通。貧病交親絕。想憶唯願公。春鳩報春歸。苦寒生暗風。簷乳墮懸玉。日腳浮輕紅。梅柳意卻活。園圃冰始融。更候四體好。方可到寺中。

苦雪寄退之

天王二月行時令。白銀作雪漫天涯。山人門前偏受賜。平地一尺白玉沙。雲頽月壞桂英下。鶴毛風翦亂參差。山人屋中凍欲死。千樹萬樹飛春花。菜頭出土膠入地。山莊取粟埋卻車。冷絮刀生削峭骨。冷蠶斧破慰老牙。病妻煙眼淚滴滴。飢嬰哭乳聲啾啾。市頭博米不用物。酒店買酒不肯賒。聞道西風弄劍戟。長堦一作街殺人如亂麻。天眼高開欺草莽。我死未肯與歎嗟。但恨口中無酒氣。劉伶見我相揄挪。清風攪腸筋力絕。白灰壓屋梁柱斜。聖明有道薄原缺此字。依孫本補。命漢。可得再見朝日耶。柴門沒脛晝不埽。黃昏遶樹棲寒鴉。唯有河南韓縣令。時時醉飽過貧家。

寄贈含曦上人第三十三句四十九句各缺一字

楞伽大師兄。誇議識道理。破鑿推元關。高辯果難揣。論語老莊易。搜索通神鬼。起信中百門。敲骨得佛髓。此外雜經律。泛讀一萬紙。高殿排名僧。執卷坐纍纍。化物自一心。三教齊發起。隨鐘嚼宮商。滿口文字美。商賈女郎輩。不會道生死。縱遭彊禮拜。雅語不露齒。劈破天地來。節義可屈指。季展卽此僧。孤立無依倚。近來愛作詩。新奇頗煩委。一作忽忽造古格。削盡俗綺靡。假如慵裹頭。但勤讀書史。切磋併工夫。休遠不可比。憐僧無遠口。信佛殊未已。貌古饒風情。清論興疊疊。訪余十數度。相去三五里。見時心亦喜。不見心

亦喜見時談謔樂。四座盡角嘴不見養天和。無人聒人耳。昨朝波雪來。面色赤鞞鞞。封竈養黃金。許割方寸七。泥丸佛口教。怛化莊亦恥。未達不敢嘗。孔子疑季子。藥成必分余。余必投泥裏。不如向陽堂。一作撥醅泛浮蟻。麴米本無慙。酒成是法水。行道不見心。毀譽徒云爾。雪晴天氣和。日光弄梅李。春鳥嬌關關。春風醉旆旄。道上正無塵。人家有花卉。高僧有拄杖。願得數觀止。

聽蕭君姬人彈琴

彈琴人似膝上琴。聽琴人似匣中弦。二物各一處。音韻何由傳。無風質氣一作質。兩相感。萬般悲意方纏綿。初時天山之外飛白雪。漸漸萬丈澗底生流泉。風梅花落輕揚揚。十指乾淨聲涓涓。昭君可惜嫁單于。沙場一本缺此二字。不遠只眼前。蔡琰薄命沒胡虜。烏梟啾唧啼胡天。關山險隔一萬里。顏色錯漠生風煙。魂魄散逐五音盡。雙蛾結草空嬋娟。中腹苦恨杏不極。新心愁絕難復傳。金尊湛湛夜沈沈。餘音疊發清聯綿。主人醉盈有得色。座客向隅增內然。孔子怪責顏回瑟。野夫何事蕭君筵。拂衣屢命請中廢。月照書窗歸獨眠。

蜻蜓歌

自注黃河中蜻蜓其力小犯險無雨

黃河中流日影斜。水天一色無津涯。處處驚波噴流飛雪花。篙工楫師力且武。進寸退尺莫能度。吾甚懼念汝小蟲子。造化借羽翼。隨風戲中流。翩然有餘力。吾不如汝無他無羽翼。吾若有羽翼。則上叩天關。爲聖君請賢臣。布惠化于人間。然後東飛浴東溟。吸日精。撼若木之英。紛而零。使地上學仙之子得而食之。

皆長生。不學汝無端。小蟲子。葉葉水上無一事。忽遭風雨水中死。

出山作

出山忘掩山門路。釣竿插在枯桑樹。當時只有鳥窺窬。更亦無人得知處。家僮若失釣魚竿。定是猿猴把將去。

寄崔柳州

使者立取書。疊紙生百憂。使君若不信。他時看白頭。三百六十州。尅情惟柳州。柳州蠻天末。鄙夫嵩之幽。花落隴水頭。各自東西流。凜凜長相逐。爲謝池上鷗。

贈稚禪師

春風滿禪院。師獨坐南軒。萬化見中盡。始覺靜性尊。我來契平生。目擊道自存。與師不動遊。遊此無迹門。送好約法師歸江南

杯度度一身。法度度萬民。爲報江南三二日。這回應見雪中人。

蕭二十三赴歙州婚期二首

孫本題上
有送字

淮上客情殊冷落。蠻方春早客何如。相思莫道無來使。迴雁峯前好寄書。

南方山水生時興。教有新詩得寄余。路帶一作長安迢遞急。多應不逐使君書。

掩關銘

蛇毒毒有形。藥毒毒有名。人毒毒在心。對面如弟兄。美言不可聽。深於千丈坑。不如掩關坐。幽鳥時一聲。

逢病軍人一作盧
綸詩

行多有病住無糧。萬里還鄉未到鄉。蓬鬢哀吟古城下。不堪秋氣入金瘡。

山中一作盧
綸詩

飢拾松花渴飲泉。偶從山後到山前。陽坡輭草厚如織。一作與鹿麕相伴眠。

除夜二首一作姚合詩
一作方干詩

衰殘歸未遂。寂寞此宵情。舊國餘千里。新年隔數更。寒猶近北峭。風漸向東生。惟見長安陌。晨鐘度火城。
殷勤惜此夜。此夜在逡巡。燭盡年還別。雞鳴老更新。讎聲方去病。酒色已迎春。明日持杯處。誰爲最後人。



李尚書詩集

附李氏事蹟

李益著

張樹編

本館據二酉堂叢
書本排印初編各
叢書僅有此本

李尙書詩集序

昔開元時。王昌齡、高適、王之渙輩。風塵未偶。貰酒小飲。值旗亭雨雪。梨園會讌。以歌詩之多寡。定名稱之。甲乙。擲揄歡噓。自鳴得意。何似君虞之篇。被諸管絃。供奉至尊。施乃圖績哉。獨其宦塗蹇偃。送士登庸。怨望陵蹶。爲時排迭。又未嘗不嘆其狹中也。然跡漢以來。仲宣賦從軍。祇貢頌諛。靈運送秀才。徒述懷思。惟君虞以爽颯之氣。寫征戍之情。覽關塞之勝。極辛苦之狀。當朔風驅雁。荒月拜狐。抗聲讀之。恍見士卒踏冰而戰。冢介馬停秣而悲鳴。詎非才之所獨至耶。其他章句。亦清麗絕倫。宜與長吉齊名。無所媿讓。而征人早行詩。最推傑作。今已失傳。知其散逸不少。余搜集爲一卷。授之梓人。而道其梗概如此。

李尙書詩集

新唐書本傳

李益。故宰相揆族子。於詩尤所長。貞元末。名與宗人賀相埒。每一篇成。樂工爭以賂求取之。被聲歌供奉。天子至。征人早行等篇。天下皆施之圖續。少癡而忌克。防閑妻妾苛嚴。世謂妒爲李益疾。同輩行稍稍進。顯益獨不調。鬱鬱去遊燕。劉濟辟置幕府。進爲營田副使。嘗與濟詩語怨望。憲宗雅知名。召爲秘書少監。集賢殿學士。自負才陵藉。士衆不能堪。諫官因暴幽州時怨望語。詔降秩。俄復舊官。累遷右散騎常侍。太和初。以禮部尙書致仕卒。時又有太子庶子李益。同在朝。故世言文章李益以辨云。

李氏事蹟

鼂公武讀書志。唐李益君虞。姑臧人。大厯四年進士。調鄭縣尉。幽州劉濟辟從事。憲宗雅聞其名。召爲集賢殿學士。負才陵藉。士衆不能堪。暴其獻濟詩。不上望京樓之句。以涉怨望。詔降秩。俄復舊。益少負詞藻。長於歌詩。與宗人賀齊名。每作一篇。樂工以賂求取。被聲歌供奉。天子征人早行詩。天下皆施之。圖畫。今集有從軍詩五十首。而無此詩。惜其放逸多矣。

陳振孫書錄解題。益宰相揆之族子。舊史本傳。指其少有癡疾。防閑妻妾。過於苛酷。有散灰扃戶之談。聞於時。故時謂之妒癡。爲李益疾。世傳霍小玉傳。所謂李十郎詩。開簾風動竹。疑是故人來者。卽益也。舊史所載如此。豈小玉將死。訣絕之言。果驗耶。抑好事者。因其有此疾。遂爲此說。以實之也。

王定保唐摭言。長慶初。趙宗儒爲太常卿。贊郊廟之禮。罷相三十餘年。年七十六。衆論其精健。有常侍李益笑曰。趙乃僕爲東府試官。所送進士也。

趙璘因話錄。李尙書益。有宗人庶子同名。俱出於姑臧公。時人謂尙書爲文章李益。庶子爲門戶李益。而尙書亦兼門地焉。嘗姻族間有禮會。尙書歸。笑謂家人曰。大堪笑。今日局席兩箇坐頭。總是李益。

澍校秦州舊志。載李益敬兄箴曰。善事兄長。乃謂之弟。胡今之人。惟事之肆。侮老慢上。毫無顧忌。就其所行。稱以不弟。彼必自知。其名實厲。名且難當。胡不自勵。能敬能愛。斯免物議。又載益勸學箴曰。人而

不學。何異鹿豕。理義不明。綱常廢弛。孔孟六經。爲學之始。所言不外。君臣父子。夫婦昆朋。五倫之理。推而廣之。修齊平治。約而言之。禮義廉恥。曲學之士。惟博青紫。二箴詞意。膚淺不類。唐人疑出附託。不知引據何書。今姑存之。

蔣防霍小玉傳。大厯中。隴西李生名益。年二十。以進士擢第。其明年拔萃。俟試於天官。夏六月。至長安。舍於新昌里。生門族清華。少有才思。麗詞佳句。時謂無雙。先達丈人。翕然推伏。每自矜風調。思得佳偶。博求名妓。久而未諧。長安有媒鮑十一娘者。故薛駙馬家青衣也。折券從良。十餘年矣。性便僻。巧言語。豪家戚里。無不經過。追風挾策。推爲渠帥。常受生誠託。厚賂。意頗德之。經數月。生方閒居舍之南亭。申未間。忽聞扣門甚急。云是鮑十一娘至。攝衣從之。迎問曰。鮑卿今日何故忽然而來。鮑笑曰。蘇姑子作好夢也。適有一仙人。謫在下界。不邀財貨。但慕風流。如此色目。其十郎相當矣。生聞之。驚躍神飛。體輕引鮑手。且拜且謝曰。一生作奴。死亦不憚。因問其名居。鮑具說曰。故霍王小女。字小玉。王甚愛之。母曰淨持。淨持。卽王之寵婢也。王之初薨。諸弟兄。以其出自賤庶。不甚收錄。因分與資財。遣居於外。易姓爲鄭氏。人亦不知其王女。姿質穠豔。一生未見。高情逸態。事事過人。音樂詩書。無不通解。昨遣某求一好兒郎。格調相稱者。某具說十郎。他亦知有李十郎名字。非常歡愜。住在勝業坊古寺曲。甫上車門宅是也。已於他作期約。明日午時。但至曲頭覓桂子。卽得矣。鮑旣去。生便備行計。遂令家童秋鴻。於從兄京兆參軍尙公處。假青驪駒。黃金勒。其夕。生澣衣沐浴。修飾容儀。喜躍交并。通夕不寐。遲明巾幘。引鏡自照。懼不諧也。徘徊之間。至於亭

午遂命駕疾驅直抵勝業。至約之所，果見青衣立候。迎問曰：「莫是李十郎否？」卽下馬，令牽入屋底。急急鎖門，見鮑果從內出來，遙笑曰：「何等兒郎，造次入此？」生調諛未畢，引入中門。庭間有四櫻桃樹，西北縣一鸚鵡籠，見生入來，鳥語曰：「有人入來，急下簾者。」生本性雅淡，心猶疑懼，忽見鳥語，愕然不敢進。逡巡鮑引淨持下階相迎，延入對坐。年可四十餘，綽約多姿，談笑甚媚。因謂生曰：「素聞十郎才調風流，今又見容儀雅秀，名下固無虛士。某有一女，雖拙教訓，顏色不至醜陋，得配君子，頗爲相宜。頻見鮑十一娘說意旨，今亦便令永奉箕箒。」生謝曰：「鄙拙庸愚，不意顧盼，倘垂採錄，生死爲榮。」遂命酒饗，卽令小玉自堂東閣子中而出生，卽拜迎。但覺一室之中，若瓊林玉樹，互相照耀，轉盼精彩射人。旣而遂坐母側，母謂曰：「汝嘗愛念開簾風動竹，疑是故人來。卽此十郎詩也。」爾終日吟想，何如一見。玉乃低鬟微笑，細語曰：「見面不如聞名，才子豈能無貌？」生遽起連拜曰：「小娘子愛才，鄙夫重貌，兩好相映，才貌相兼，母女相顧而笑，遂舉酒數巡。生起請玉唱歌，初不肯，母固彊之，發聲清亮，曲度精奇，酒闌及暝，鮑引生就西院憩息，閑亭邃宇，簾幕甚華，鮑令侍兒桂子浣紗，與生脫靴解帶，須臾玉至，言敍溫和，辭氣宛媚，解羅衣之際，態有餘妍，低幃暱枕，極甚歡愛。生自以爲巫山洛浦，不過也。中宵之夜，玉忽流涕，顧生曰：「妾本倡家，自知非匹，今以色愛，託其仁賢，但慮一旦色衰，恩移情替，使女蘿無託，秋扇見捐，極歡之際，不覺悲至。」生聞之，不勝感歎，乃引臂替枕。徐謂玉曰：「平生志願，今日獲從，粉骨碎身，誓不相舍。」夫人何發此言，請以素縑箸之盟約。玉因收淚，命侍兒櫻桃、襄幄執燭，授生筆硯，玉管絃之暇，雅好詩書，筐箱筆硯，皆王家之舊物，遂取繡囊，出越姬烏絲欄。

素段三尺以授生。生素多才思，援筆卽成。引諭山河，指誠日月，句句懇切，聞之動人。誓畢，命藏於寶篋之內。自爾婉孌相得，若翡翠之在雲路也。如此二歲，日夜相從。其後年春，生以書判拔萃登科，授鄭縣主簿。至四月，將之官，便拜慶於東洛。長安親戚多就筵餞，時春物尙餘，夏景初麗，酒闌賓散，離惡縈懷。玉謂生曰：「以君才地名聲，人多景慕，願結婚媾，固亦衆矣。況堂有嚴親，室無冢婦，君之此去，必就佳姻，盟約之言，徒虛語耳。然妾有短願，欲輒指陳，永委君心，復能聽否？」生驚怪曰：「有何罪過，忽發此辭，試說所言，必當敬奉。」玉曰：「妾年始十八，君才二十有二，逮君壯室之秋，猶有八歲。一生歡愛，願畢此期，然後妙選高門，以求秦晉，亦未爲晚。妾便舍棄人事，翦髮披緇，夙夕之願，於此足矣。生且媿且感，不覺涕流。因謂玉曰：「皎日之誓，死生以之，與卿偕老，猶恐未愜。吾志豈敢輒有二三，固請不疑。但端居相待，至八月，必當卻到華州，尋使奉迎，相見非遠。」更數日，生遂訣別東去。到任旬日，求假往東都覲親。至家旬日，太夫人已與商量表妹盧氏，言約已定。太夫人素嚴毅，生遂巡不敢辭讓，遂就禮謝。便有近期，盧亦甲族也。嫁女於他們，聘財必以百萬爲約。不滿此數，義在不行。生家素貧，事須求丐，便托假故，遠投親知，涉歷江淮，自秋及夏，生自以孤負盟約，大愆週期，寂不知聞，欲斷其望，遙託親故，不遣漏言。玉自生逾期，數訪音信，虛詞詭說，日日不同。博求師巫，遍詢卜筮，懷憂抱恨，周歲有餘，羸臥空閨，遂成沈疾。雖生之書題竟絕，而玉之相望不移。賂遺親知，使通消息，尋求既切，費用屢空。往往私令侍婢潛賣篋中之物，多托於西市寄附鋪，候景先家貨賣。曾令侍婢浣紗，將紫玉釵一隻，詣景先家貨之。路逢內作老玉工，見浣紗所執前來，認之曰：「此釵吾所

作也。昔歲霍王小女將欲上鬢，令我作此。酬我萬錢，我嘗不忘。汝是何人，從何而得。浣紗曰：我小娘子即霍王女也。家事破散，失身於人。夫婿昨向東都，更無消息。怙快成疾，今已二年，令我賣此，賂遣於人，使求音信。玉工悽然下泣曰：貴人男女，失機落節，一至於此。我殘年向盡，見此盛衰，不勝傷感。遂引至延先公主宅，具言前事。公主亦爲之悲歎良久，給錢十二萬焉。時生所定盧氏女在長安，生既畢於聘財，還歸鄭縣。其年臘月，又請假入城，就親潛卜，靜居，不令人通。有明經崔允明者，生之重表弟也，性甚長厚，等歲常與生同飲於鄭氏之室。杯盤笑語，曾不相閒。每得生信，必誠告於玉。玉常以薪芻衣服資給於崔。崔頗感之。生既至，崔具以誠告玉。玉恨且歎曰：天下豈有是事乎？遍託親朋，多方召致。生自以愆期失約，又知玉疾候沈懃，慙恥忍割，終不肯往。晨出莫歸，欲以迴避。玉日夜涕泣，都忘寢食。期一相見，竟無因由。冤憤益深。委頓牀枕，自是長安中稍有知者。風流之士，共感玉之多情。豪俠之倫，皆怒生之薄行。時已三月，人多春遊。生與同輩五六人，詣崇敬寺，翫牡丹華，步於西廊，遞吟詩句。有京兆韋夏卿者，生之密友，時亦同行。謂生曰：風光甚麗，草木榮華，傷哉鄭君，銜冤空室。足下終能棄置，實是忍人。丈夫之心，不宜如此。足下宜爲思之。歎讓之際，忽有一豪士，衣輕黃紵衫，挾朱彈，風神俊美，衣服輕華。唯見一剪頭胡雛從後，潛行而聽之。俄而前揖生曰：公非李十郎者乎？某族本山東，姻連外戚，雖乏文藻，心嘗樂賢。仰公聲華，常思覲止。今日幸會，得覩清揚。某之弊居，去此不遠，亦有聲樂，足以娛情。妖姬八九人，駿馬一數匹，惟公所欲。但願一過，生之儕輩，共聆斯語，更相歎美。因與豪士策馬同行，疾轉數坊，遂至勝業。生以近鄭之所，止意不欲。

過。便託事故。欲迴馬首。豪士曰。弊居咫尺。忍相棄乎。乃挽挾其馬。牽引而行。遷延之間。已及鄭曲。生神情恍惚。勒馬欲迴。豪士遽命奴僕數人。抱持而進。急走推入車門。便令鎖卻。報云。李十郎至也。一家驚喜。聲聞於外。先此一夕。玉夢黃衫丈夫。抱生來至席。使玉脫鞋。驚寤而告母。因自悟曰。鞋者諧也。夫婦再合。脫者解也。既合而解。亦當永訣。由此徵之。必遂相見。相見之後。當死矣。凌晨請母妝梳。母以其久病。心意惑亂。不甚信之。備勉之間。彊爲妝梳。妝梳才畢。而生果至。玉沈緜日久。轉側須人。忽聞生來。欣然自起。更衣而出。恍若有神。遂與生相見。含怒凝視。不復有言。羸質嬌姿。如不勝致。時復掩袂。還顧李生。感物傷人。坐皆歔歔。頃之。有酒殺數十盤。自外而來。一坐驚視。遽問其故。悉是豪士之所致也。因遂陳設。相就而坐。玉乃側身轉面。斜視生良久。遂舉杯酒。酌地曰。我爲女子。薄命如斯。君是丈夫。負心若此。韶顏稚齒。飲恨而終。慈母在堂。不能供養。綺羅絃管。從此永休。微痛黃泉。皆君所致。李君李君。今當永訣。我死之後。必爲厲鬼。使君妻妾終日不安。乃引左手。握生臂。擲杯於地。長慟號哭。數聲而絕。母乃舉屍。置於生懷。令喚之。遂不復蘇矣。生爲之縞素。旦夕哭泣甚哀。將葬之夕。生見玉繡帷之中。容貌妍麗。宛若平生。著舊石榴裙。紫蓋襜。紅綠帳子。斜身倚帷。手引繡帶。顧謂生曰。媿君相送。尙有餘情。幽冥之中。能不感歎。言畢。遂不復見。明日葬於長安御宿原。生至墓所。盡哀而返。後月餘。就禮於盧氏。傷情感物。鬱鬱不樂。夏五月。與盧氏偕行。歸於鄭縣。至縣旬日。生方與盧氏寢。忽帳外吒吒之聲。生驚視之。則見一男子。年可三十餘。姿狀溫美。隱身映幔。連招盧氏。生惶遽走起。繞幔數匝。倏然不見。生自此心懷疑惡。猜忌萬端。夫婦之間。無聊生矣。

或有親情。曲相勸喻。生意稍解。後旬日。生復自外歸。盧氏方鼓琴於牀。忽見自門拋一斑犀鈿華合子。生開而視之。見相思子二。叩頭蟲一。發殺鬻一。驢駒媚少許。生當時憤怒。叫吼聲如豺虎。引琴撞擊其妻。詰令實告。盧氏亦終不自明。爾後往往暴加捶楚。備諸毒虐。竟訟於公庭而遣之。盧氏既出。生或侍婢媵妾之屬。暫同枕席。便加妒忌。或有因而殺之者。生嘗遊廣陵。得名姬。曰營十一娘者。容態潤媚。生甚悅之。每相對坐。嘗謂營曰。我嘗於某處。得某姬。犯某事。我以某法殺之。日日陳說。欲令懼己。以肅清閨門。出則以浴斛覆營於牀。周迴封署。歸必詳視。然後乃開。又畜一短劍。甚利。願謂侍婢曰。此信州葛谿鐵。唯斷作罪過頭。大凡生所見婦人。輒加猜忌。至於三娶。率皆如初焉。

澗按胡仔西谿叢語。杜甫少年行第二首云。巢燕引雛。渾去盡。江華結子已無多。黃衫年少宜來數。不見堂前東逝波。蔣防作霍小玉傳。書大歷中李益事。有一豪士。衣輕黃衫。挾朱筋彈。至霍。霍遂死。乃三月牡丹時也。甫作詩時。大歷間。正在蜀。想有好事者傳去。作此詩。

李尙書詩集

唐 李 益著 清 武威張 澍編輯

從軍詩并序

君虞長始八歲。燕戎亂華。出身二十年。三受末秩。從事十八載。五在兵閒。故其爲文。咸多軍旅之思。自建中初。故府司空。巡行朔野。迨貞元初。又忝今尙書之命。從此出上郡。五原。四五年。荏苒從役其中。雖流落南北。亦多在軍戎。凡所作邊塞諸文。及書奏餘事。同時幕府選辟。多出詞人。或因軍中酒酣。或時塞上兵寢。相與拔劍秉筆。散懷於斯文。率皆出於慷慨意氣。武毅曠厲。本其涼國。則世將之後。乃西州之遺民歟。亦其坎壈當世。發憤之所致也。時左補闕盧景亮。見知於文者。令予輯錄。遂成五十首贈之。

夜發軍中

邊馬櫪上驚。雄劍匣中鳴。半夜軍書至。匈奴寇六城。中間分暗陳。太乙起神兵。出沒風雲合。蒼黃豺虎爭。今日邊庭戰。緣賞不緣名。

將赴朔方早發漢武泉

弭蓋出故關。窮秋首邊路。問我此何爲。平生重一顧。風吹山下草。繫馬河邊樹。奉役良有期。回瞻終未屢。去鄉幸未遠。戎衣今已故。豈惟幽朔寒。念我機中素。去矣勿復言。所酬知音遇。

塞下曲

蕃州部落能結束。朝莫朝一作馳獵。黃河曲。燕歌未斷塞鴻飛。牧馬羣嘶邊草綠。

秦築長城城已摧。漢武北上單于臺。古來征戰虜不盡。今日還復天兵來。

黃河東流流九折。沙場埋恨何時絕。蔡琰沒去造胡笳。蘇武歸來持漢節。爲報如今都護雄。匈奴且莫下雲中。請書塞北陰山石。願比燕然車騎功。

從軍夜次六胡北飲馬磨劍石爲祝殤辭

我行空磧見沙之磷磷。與草之羃羃。半沒胡兒磨劍石。當時洗劍血成川。至今草與沙皆赤。我因扣石問以言。水流鳴咽幽草根。君寧獨不怪陰燐。吹火熒熒又爲碧。有鳥自稱蜀帝魂。南人伐竹湘山下。交根接葉滿淚痕。請君先問湘江水。然我此恨乃可論。秦亡漢絕三十國。關山戰死知何極。風飄雨灑水自流。此中有冤消不得。爲之彈劍作哀吟。蓬沙四起雲沈沈。滿營戰馬嘶欲盡。畢昂不見胡天陰。東征曾弔長平苦。往往晴明獨風雨。年移代去感精魂。空山月暗聞鼙鼓。秦坑趙卒四十萬。未若格鬪傷戎虜。聖君破胡爲六州。六州又盡空胡丘。韓公三城斷胡路。漢甲百萬屯邊秋。乃分司空授朔土。擁以玉節臨諸侯。漢爲一雪萬世讐。我今抽刀勒劍石。告爾萬世爲唐休。又聞招魂有美酒。爲我澆酒祝東流。殤爲魂兮可以歸。還故鄉些。沙場地無人兮爾獨不可以久留。

夜上西城聽涼深一作州曲二首

行人夜上西城宿。聽唱涼州雙管逐。此時秋月滿關山。何處關山無此曲。

鴻雁新從北地來，聞聲一半卻飛回。金河戍客河戎隴，腸斷更在秋風百尺臺。

鹽州道過

一作胡兒飲馬泉，胡兒飲馬泉，胡兒飲馬泉。

胡兒飲馬泉，胡兒飲馬泉，胡兒飲馬泉。

綠楊著水草如烟，舊是胡兒飲馬泉。胡兒飲馬泉於此。幾處吹笳明月夜，何人倚劍白雲天。從來凍合關山路，今日分流漢使前。莫使行人照容鬢，恐驚憔悴入新年。

夜上受降城聞笛

回樂烽峯，一作前沙似雪。受降城上外，一作月如霜。不知何處吹蘆管，一夜征人盡望鄉。

軍次陽城烽舍北流泉

何處可濟然，陽城烽樹舍。一作邊。今朝望鄉客，不飲北流泉。

再赴渭北使府留別

結髮逐鳴鷲，連兵追谷蠡。山川搜伏虜，鎧甲被重犀。故府旌旗在，新軍羽校齊。報恩身未死，識路馬還嘶。列嶂高峰舉，當營太白低。平戎七尺劍，封檢一丸泥。截海取一作蒲類，跑泉飲鸚鵡。漢庭中選重，更事五原西。

赴渭北宿石泉驛南望黃堆烽

邊城已在虜塵中，烽火南飛入漢宮。漢庭議事先黃老，麟閣何人定戰功。

赴邠寧留別

身承漢飛將束髮卽言兵。俠少何相問。從來事不平。黃雲斷朔吹。白雪擁沙城。幸應邊書募。橫戈會取名。

暖川人歌一作征

胡風凍合鷓鴣泉。牧馬千羣逐浴。一作暖川塞外征行無盡日。年年移帳雪中天。

石樓山見月

紫塞連年戍。黃沙磧路窮。故人今夜宿。見月石樓中。

邊思

腰懸錦帶佩吳鉤。走馬曾防玉塞秋。莫笑關西將家子。祇將詩思入涼州。

送柳判官赴振武

邊庭漢儀重。旌甲事雲中。虜地山川壯。單于鼓角雄。關寒塞榆落。月白胡天風。君逐嫺姚將。騏驎有戰功。

從軍北征

天山雪後梅風寒。橫笛偏吹行路難。磧裏征人三十萬。一時回向首。一作月明中。一作看。

聽曉角一作鳴角

繁霜一夜落平蕪。一作邊霜一作關榆一作昨。吹角當城漢片。一作月孤無限數。一作塞鴻飛不度。秋風卷吹。一作入小單于。

城傍少年一作少年一作漢宮

生長邊城傍。出身事弓馬。少年有膽氣。獨獵陰山下。偶與匈奴逢。曾禽射鵰者。名縣壯士籍。請君少相假。

上黃堆烽

心期紫閣山中月。身過黃堆烽上雲。年髮已從書劍老。戎衣更逐霍將軍。

莫過回樂烽

烽火高飛百尺臺。黃昏遙自見。一作磧西南。一作來。昔時征戰回應樂。今日從軍樂未回。

野田行

日沒出古城。野田何茫茫。寒狐嘯青冢。郭茂倩樂府作上孤冢鬼火燒白楊。昔人未爲泉下客。行到此中曾斷腸。

回軍行

關城榆葉早疏黃。日莫沙雲古戰場。表請回軍掩塵骨。莫教士卒哭龍荒。

觀騎射

邊頭射雕將。走馬出中軍。遠見平原上。翻身上莫雲。

立春日寧州行營因賦朔風吹飛雪

邊聲日夜合。朔風驚復來。龍山不可望。千里一徘徊。捐扇破誰執。素紈輕欲裁。非時妬桃李。自是舞陽臺。

邠寧春日絕句

桃李年年上國新。風沙日日塞垣人。傷心更見庭前柳。忽有千條欲占春。

幽州賦詩見意時佐劉幕

一作照太原落莫驛四城

旌戍在桑乾。年年薊水寒。殷勤驛西路。一作北此一作去路一作向到長安。

觀石將軍舞

微月東南上。戍樓琵琶起。舞錦纏頭。更聞橫笛關山遠。白草胡沙西塞秋。

統漢峯下一作過降戶

統漢峯一作西降戶營。黃河沙白。戰骨擁長城。只今已勒燕然石。此地無人空月明。

臨滹沱見蕃使別列一作名

漠南春色到滹沱。邊柳青青塞馬多。萬里江山今不閉。漢家頻許郅支和。

從軍有苦樂行時從司空魚公北征魚一作冀

勞者且莫勿一作歌。我欲歌一作送君觴。從軍有苦樂。此曲樂未央。僕居在一作本居隴上。隴水斷人腸。東過

秦宮路。宮路樹一作入咸陽。時逢漢帝出。諫獵至長楊。詎馳遊俠窟。非結少年場。一旦承嘉惠。輕身一作重

恩光。秉筆參帷帟。從軍至朔方。邊地多陰風。草木自淒涼。斷絕海雲去。出沒胡沙長。參差引雁翼。隱麟騰

軍裝。劍文夜如水。馬汗凍成霜。俠氣五都少。矜功六郡良。山河起目前。睜昔死路傍。北逐驅獯種一作虜。西

臨復舊疆。昔還賦一作餘資。今出乃贏糧。一矢戮一作夏服。我弓不再張。寄語一作丈夫雄。苦樂身自當

五城道中

金鏡隨玉節。落日河邊路。沙鳴後騎來。雁起前軍度。五城鳴斥堠。三秦新召募。天寒白登道。塞濁陰山霧。

仍聞舊軍老。尙在烏蘭戍。笳簫漢思繁。旌旗邊色故。寢興倦弓甲。勤役傷風露。來遠賞不行。鋒交勳乃茂。未知朔方道。何年罷兵賦。

夜上受降城聞笛一作詩

入夜思歸一作思切。笛聲清更哀。愁人不願聽。自到枕前來。風起塞雲斷。夜深關月開。平明獨惆悵。落一作飛盡一庭梅。

送客歸振武

駿馬事輕車。軍行萬里沙。胡山通噓落。漢節繞渾邪。桂滿天西月。蘆吹塞北茄。別離俱報主。路極不爲賒。

塞下曲

伏波惟願裹尸還。定遠何須生入關。莫遣隻輪歸海窟。仍留一箭射天山。

登夏州城觀送行人賦得六州胡兒歌

六州胡兒六蕃語。十歲騎羊逐一作射。沙鼠沙頭牧馬孤。雁飛漢軍遊騎。貂錦衣雲中。征戍三千里。今日征

行人一作。何歲歸。無定河邊數株柳。共送行人一杯酒。胡兒起作本一作和。蕃歌。齊唱鳴嗚盡垂手。心知舊國

西州遠。西向胡天望鄉久。回身一作。忽作異方聲。一聲回盡征人首。蕃音虜曲直一作。難分似說邊情向

塞雲。故國關山無限路。風沙滿眼堪斷魂。不見天邊青作冢。古來愁殺漢昭君。

登長城下一作塞

漢家今上郡。秦塞古長城。有日雲長慘。無風沙自驚。當今聖天子。不戰四夷平。

度破訥沙二首

一作塞北行
次度破訥沙

眼見風來沙旋移。經年不省草生時。莫言無喘塞北無春到。一作縱有春來何處知。
破訥沙頭雁正飛。鵬鵠泉梁。一作上戰初歸。平明日出東南地。滿磧寒光生鐵衣。

拂雲堆

漢將新從虜地來。旌旗半送

一作

上拂雲堆。單于每馬

一作

近向

一作

沙場獵。南望山陰

一作

山。哭始回。

送遼陽使還軍

征人歌且行。北上遼陽城。二月戎天。一作馬息悠悠邊草生。青山出塞斷。代地入雲平。昔者匈奴戰。多聞殺漢兵。平生報國憤。日夜角弓鳴。勉君萬里去。勿使虜塵驚。

觀回軍三韻

行行上隴頭。隴月

一作

暗悠悠。萬里將軍沒。回旌隴戍秋。誰令嗚咽水。重入故營流。

送韓將軍還邊

白馬羽林兒。揚鞭薄暮時。獨將輕騎出。暗與伏兵期。雨雪移軍遠。旌旗上隴遲。聖心戎寄重。未許讓恩私。

來從寶車騎行

束髮逢世屯。懷恩抱明義。讀書良有感。學劍慙非智。遂別魯諸生。來從寶車騎。追兵赴邊急。絡馬黃金轡。

出入燕南陲。由來重意氣。自經臯蘭戰。又破樓煩地。西北護三邊。東南留一尉。時過歛如雲。參差自不意。將軍失恩澤。萬事從此異。置酒高堂上。薄莫秋風至。長戟與我歸。騎來同棄置。自酌還自飲。非名又非利。歌出易水寒。琴下雍門淚。出逢平樂舊。言在天階侍。問我從軍苦。自陳少年貴。丈夫交四海。徒論身自致。漢將不侯封。蘇卿榮遠使。令我終此曲。此曲誠不易。貴人難識心。何由知忌諱。

効古促促曲爲河上思婦作

促促何促促。黃河九回曲。嫁與棹船郎。空牀將影宿。不道君心不如石。那令妾貌長如玉。

雜體一作雜曲

妾本蠶家女。不識貴門儀。囊砧持玉斧。交結五陵兒。十日或一見。九日在路歧。人生此夫壻。富貴欲何爲。楊柳徒可折。南山不可移。婦人貴結髮。寧有再嫁資。嫁女莫望高。女心願所宜。寧從賤相守。不願貴相離。藍葉鬱重重。藍華石榴色。少女歸少年。光華自相得。誰言配君子。以奉百年身。有義卽夫壻。無義還他人。愛如寒爐火。棄若秋風扇。山嶽起面前。相看不相見。丈夫非小兒。何用彊相知。不見朝生菌。易成還易衰。征客欲臨路。居人還出門。北風河梁上。四野愁雲繁。豈不戀我家。夫壻多感恩。前程有日月。勸績在河源。少婦馬前立。請君聽一言。春至草亦生。誰能無別情。殷勤展心素。見新莫忘故。遙望孟門山。殷勤報君子。旣爲隨陽雁。勿學西流水。嘗聞生別離。悲莫悲於此。同器不同榮。堂下卽千里。與君貧賤交。何異萍上水。託身天使然。同生復同死。

同崔邠一作頌登鶴雀樓

鶴雀樓西一作南又作前百尺牆汀洲雲樹共茫茫漢家簫鼓空流水魏國山河半夕陽事去千年猶恨速愁來一日即為知一作併是起長風烟塵一作思歸鄉望遠目飛春亦自傷一作促

賦得早燕送別

碧草縵一作如綫去來雙飛燕長門未有春先入班姬殿梁空遠復不一作息簷寒窺欲遍今至隨紅萼一作昔還悲素扇一別與秋鴻差池詎相見

竹窗聞風寄苗發司空曙

微風驚莫坐臨牖思悠哉開門復動竹疑是故人來時滴枝上露稍沾沿一作階下苔何當一入幌為拂綠琴埃

賦得垣衣

漠漠復霏霏為君垣上衣昭陽輦下草應笑此生非掩藹一作菴又作菴蔓青春去一作蒼茫白露晞猶勝萍逐水流浪不相依

秋晚谿中寄懷大理齊司直時齊分司名下

鳳翔屬明代羽翼文葳蕤崑崙進琪樹飛舞下瑤池振儀自西瞻東夏復分釐國典唯平法伊人方在斯荒寧一作亭析楊肅芳輝蘭玉滋明質驚高景飄飄服纓綬天寒清洛苑秋夕白雲司况復空巖側蒼蒼幽

桂期歲寒坐流霰。山川猶別離。浩思憑尊酒。氛氳獨含辭。

谿中月下寄揚子尉封亮

蘅若奪幽色。銜思恍無惊。宵長霜霰霧。一作多歲晏淮海風。團團山中月。三五離夕席。一作同露凝朱絃絕。觴

至蘭玉空。清光液流波。盛明難再逢。常恐河漢遠。坐窺曉。一作烟景窮。小人諒處陰。君子樹大元。一作功永願

厲高翼。慰我丹桂叢。

春晚賦得餘華落得起

留春春竟去。春去華如此。蝶舞繞應稀。鳥驚飛詎已。衰紅辭故萼。繁綠扶凋蕊。自委不勝愁。庭風那更起。

宿馮翊夜雨贈主人

危心驚夜雨。起望漫悠悠。氣耿殘鐙暗。聲繁高樹秋。涼軒辭夏扇。風幌寧輕綈。思緒蓬初斷。歸期燕暫留。關山藹已失。臉淚迸難收。賴君時一笑。方解解四愁。

聞亡友王七嘉禾寺得素琴

故人惜此去。留琴明月前。今來我訪舊。淚灑白雲天。詎欲匣孤響。送君歸夜泉。撫琴猶可絕。況此故無絃。何必雍門奏。然後使淚一作潺湲。

校書郎楊凝往年以古鏡貺別今追贈以詩

明鏡出匣時。明如雲閒月。一別青春楹。回光照華髮。美人昔自愛。鞶帶手中所。一作結願以似。一作三五期。經

天無玷缺

置酒一本有
行字

置酒命所歡。憑觴遂爲戚。日往不再來。茲晨坐成昔。百齡非久長。五十將半百。胡爲勞我形。已鬢須一作還
復白。西山鸞鶴羣。一作矯矯烟霧翮。明霞一作發金丹。陰洞潛水碧。安得凌風羽。崦嵫駐靈魄。一作無然
坐衰老。慙嘆一作東陵柏。

長社竇明府宅夜送王屋道士常究子

旦隨三鳥去。羽節凌霞光。莫與雙鳧宿。雲車下紫陽。天壇臨月近。洞水出山長。海嶠年年別。丘陵徒自傷。

賦得路傍一株柳送邢校書赴延州使府

路傍一株柳。此路向延州。延州在何處。此路起悠悠。一作

中橋北送穆質兄弟應制戲贈蕭二策

洛水橋邊雁影疏。陸機兄弟駐行車。欲陳漢帝登封草。猶待蕭郎寄內書。

華山南廟

陰山臨古道。古廟一作閉山碧。一作廟閉。落日春草中。羣芳薦瑤席。明靈達精意。髣髴如不隔。一作雨

神降時。回飈入松柏。常聞坑儒後。此地返秦會。一作返壁。自古害忠良。神其輔宗祏。

喜邢校書遠至對雨同賦遠晚飯阮返五韻

雀噪空城陰。木衰羈思遠。已似一作蔽青山。望徒悲白雲。晚別離千里。風雨中同一飯。開筵說逢康。臨觴方接阮。旅宦竟何如。勞飛思自返。

城西竹園送裴佖正達

歲蕤凌風竹。寂寞離人觴。愴懷非外至。沈鬱自中腸。遠行從此始。別袂重淒霜。

月下喜邢校書至自洛

天河夜未央。漫漫復蒼蒼。重君遠行至。及此明月光。華星映衰柳。暗水入寒塘。客心定何似。餘歡方自長。

重贈邢校書

俱從四方士。一作共會九秋中。斷蓬與落葉。相值各因風。

北至太原

炎祚昔昏替。皇基此鬱盤。元命久已集。撫運乃良艱。南阮羊腸險。北走雁門寒。始於一戎定。垂此億世安。唐風本憂思。王業定艱難。中歷雖橫潰。天紀未可干。聖明所興國。靈嶽固不殫。咄咄薄遊客。斯高殊不刊。入華山訪隱者經仙人石壇

三考西嶽下。官曹少休沐。久負青山諾。今還獲所欲。常聞玉清洞。金簡受玄錄。夙駕昇天行。雲遊恣霞宿。平明矯輕策。捫石入空曲。仙人古石壇。落繞青瑤局。陽桂凌烟紫。陰蘿冒水綠。隔世聞丹經。縣泉注明玉。前驚羽人會。白日天居肅。問我將致辭。笑之自相目。竦身雲遂起。仰見雙白鶴。墮其一紙書。文字類鳥足。

視之了不識。三返又三復。歸來問方士。舉世莫解讀。何必若蜉蝣。然後爲跼促。鄙哉宦遊子。身志俱降辱。再往不及期。勞歌叩山木。

罷鏡

手中青銅鏡。照我少年時。衰颯一如此。清光難復持。欲令孤月掩。從遣半心疑。縱使逢人見。猶勝自見悲。

照鏡

衰鬢朝臨鏡。將看各卻一作自疑。慙君明似月。照我白如絲。

華陰東泉同張處士詣藏律師兼簡縣內同官因寄齊中書

蒼崖抱寒泉。淪照洞金碧。潛鱗孕明晦。山靈闕幽一作蹟。前峰何其詭。萬變窮日夕。一作松老風易悲。山秋雲更白。故人邑中吏。五里仙霧隔。美質簡瓊瑤。英聲缺金石。煩君竟相問。問我此何適。我因贊時理。書寄西飛翮。詰匠熙百工。日月被光澤。大國本多士。荆岑無遺壁。高網彌八紘。皇圖明四關。羣材旣彙暢。願我在草澤。貴無身外名。賤有區中役。忽忽百齡內。殷殷千慮迫。人生已如寄。在寄復爲客。舊國不得歸。風塵滿阡陌。

答郭黃中孤雲首章見贈

孤雲生西北。從風東南飄。帝鄉日已遠。蒼梧無還飈。已矣元鳳歎。嚴霜集靈苕。君其勉我懷。歲莫孰不凋。

送人流貶

漢章雖約法。秦律已除名。謗遠人多惑。官微不自明。霜風先獨樹。瘴雨失荒城。疇昔長沙事。三年召賈生。
送人南歸

人言下江疾。君道下江遲。五月江路惡。南風驚浪時。應知近家喜。還有異鄉悲。無奈孤舟夕。山歌聞竹枝。
書院無歷日以詩代書問路侍御六月大小

野性迷堯歷。松窗有道經。故人爲柱史。爲我數階莫。

聞雞贈主人

膠膠一作司晨鳴。報爾東方旭。無事戀君軒。今君重鳧鵠。

九月十日雨中過張伯佳雄一作期柳鎮雄一作未至以詩招之

柳吳興近無消息。張長公貧苦寂寥。唯有角巾霑雨至。手持殘菊向西招。

合源谿期張計不至

霜露肅時序。緬然方獨尋。暗谿遲仙侶。寒澗聞松禽。寂歷夜茲永。清明秋序深。微波澹激夕。烟景含虛林。
素心久淪否。幽懷方自今。

竹谿

訪竹越雲崖。卽林若谿絕。寧知修幹下。漠漠秋落潔。清光溢空曲。茂色臨水澈。採摘愧芳鮮。奉君歲莫節。
水亭夜坐賦得曉霧

月落寒霧起。沈思浩通來。一作川宿禽囀木散。山澤一蒼然。漠漠沙上路。一作云云洲外田。猶當依遠樹。斷續欲窮天。

送常曾侍御使西蕃寄題西川

涼王宮殿盡。蕪沒隴雲西。今日聞君使。雄心逐鼓鼙。行當收漢壘。直可取蒲泥。舊國無由到。煩君下走。一作馬題。

送諸暨王主簿之任

別愁已萬緒。離曲方三奏。遠宦一辭鄉。南天異風候。秦城歲芳老。越國春山秀。落日望寒濤。公門閉清晝。何用慰相思。裁書寄關右。

入南山至全師蘭若

木隕落。一作水歸壑。寂然無念始。一作心南行有真子。被褐息山陰。石路瑤草散。松門寒景深。吾師亦何授。一作自起定中吟。

罷秩後入華山採茯苓逢道者

委綬采來。一作名山觀奇恣所停。山中若有聞。言此不死庭。遂逢五老人。一謂西嶽靈。或聞樵人語。飛去入昂星。授我出雲路。蒼然凌石屏。視之有文字。乃古黃庭經。左右長松列。動搖風露零。上蟠千年枝。陰虬負青冥。下結九秋霰。流膏爲茯苓。取之砂石間。異若龜鶴形。況聞秦宮夕。華髮變已青。有如上帝心。與我千

萬齡始疑有仙骨。鍊魄可永寧。何事逐豪遊。飲啄以羶腥。神物亦自闕。風雷護此局。欲傳山中寶。回策忽已暝。乃悲世上人。求醒終不醒。

嘉禾寺見亡友王七題壁

今日憶君處。憶君君豈知。空餘暗塵字。讀罷淚仍垂。

登白樓見白鳥席上命鷓鴣辭

一鳥如霜雪。飛向下一作。白樓前。問君何以至。天子太平年。

自朔方還與鄭式瞻崔稱鄭子周岑贊同會法雲寺三門避暑

予本疏放士。竭來非外矯。誤落邊塵中。愛山見山少。始投清□宇。門值烟岫表。參差互明滅。彩翠竟昏曉。泠泠遠風來。過此羣木杪。英英二三彥。襟曠去煩撓。游川出潛魚。息陰勸飛鳥。狗物不可窮。惟於此心了。奉酬崔員外副使攜琴宿使院見示

忽聞此夜與琴宿。遂嘆常時塵吏喧。庭木已衰空月亮。城□□急對霜繁。猶持副節留軍府。未薦高詞直掖垣。誰問南飛長繞樹。官微同在謝公門。

晚春臥病喜振上人見訪

臥牀如^{一作}殊。舊日窺戶易傷春。靈壽扶衰力。芭蕉對病身。道心空寂寞。時物自芳新。旦夕誰相訪。唯當揖

上人。

春行

侍臣朝謁罷。戚里自相過。落日青絲騎。春風白紵歌。恩承三殿近。獵向五陵多。歸路南橋望。垂楊拂細波。

送賈校書東歸寄振上人

一作振上人院喜
見賈弁兼酬別

北風吹雁數聲悲。況指前林是別時。秋草不堪頻送遠。白雲何處更相期。山隨匹馬行看暮。路入寒城獨去遲。爲問東州故人道。江淹已擬惠休詩。

汴河曲

汴水東流無限春。隨家宮闕苑一作已盡一作成塵。行人莫上長堤望。風吹一作起楊華愁殺人。

登天壇夜見海

朝遊碧峯三十六。夜上天壇月邊宿。仙人攜我攀玉英。壇上夜半東方明。仙鐘撞撞近海日。海中離離三山出。霞梯赤城遙可分。霓旌絳節倚彤雲。八鸞五鳳紛在御。王母欲上朝元君。羣仙指此爲我說。幾見塵飛滄海竭。竦身別我期丹宮。空山處處遺清風。九州下視杳未旦。一半浮生皆夢中。始知武皇求不死。去逐瀛洲羨門子。

過馬嵬三首

路至牆垣問樵者。顧予云是太真宮。太真血染馬躡盡。朱閣影隨天際空。丹壑不聞歌吹夜。玉階惟有薛羅風。世人莫重霓裳曲。曾致干戈是此中。

金甲銀旌盡已回。蒼茫羅虜隔風埃。濃香猶自隨鸞輅。恨魄無由離馬嵬。南內真人悲帳殿。東溟方士問蓬萊。唯留坡畔彎環月。時送殘輝入夜臺。此篇見李遠集。數字少異。

漢將如雲不直言。寇來翻罪綺羅恩。託君休洗蓮華血。留記千年妾淚痕。

惜春傷同幕故人。孟郊中兼呈去年看華友。

畏老身今老。逢春解惜春。今年看華伴。已少去年人。

洛陽河亭奉酬留守羣公追送一作李遠詩

離亭餞落暉。臘酒減春征。一作衣歲晚烟霞重。川寒雲樹微。戎裝千里至。舊路十年歸。還似汀洲雁。相逢又

背飛。

聽唱赤白桃李華

赤白桃李華。先皇在時曲。欲向西宮唱。西宮宮樹綠。

尋紀道士偶會諸叟

山陰尋逢一作道士映竹羽衣新。侍坐雙童子。陪遊五老人。水華松下靜。壇草雪中春。見說桃源洞。如今猶

避秦。

答許五端公馬上口號

晚逐旌旗俱白首。少遊京洛共緇塵。不堪身外悲前事。彊向杯中覓舊春。

同蕭鍊師宿太一廟

微月空山曙。春祠謁少君。落華壇上拂。一作掃流水洞中聞。酒引芝童奠。香餘桂子女。一作焚鶴飛將羽節。遙

向赤城分。

送襄陽李尙書

天寒發梅柳。憶昔到襄州。樹暝然紅燭。江清展碧油。風烟臨峴首。雲水接昭丘。俗尙春秋學。詞稱文選樓。都門送旌節。符竹領諸侯。漢河分我寄。黎元減聖憂。時追山簡與。本自習家流。莫廢思康樂。詩情滿沃洲。

牡丹一作詠牡丹贈一作從兄正封

紫蘂一作叢開未到家。卻交遊客賞繁華。始知年少求名處。滿眼空中別有華。

江南詞曲一作

嫁得瞿塘賈。朝朝悞妾期。早知潮有信。嫁與弄潮兒。

奉和武相公春曉聞鶯川一作蜀聞一作蜀

蜀道山川心易驚。一作西道山綠窗殘夢曉聞鶯。分明似一作雪一作文君恨。萬怨千愁絃上聲。

贈內兄盧綸

世故中年別。餘生此會同。卻將悲一作與病來一作對朗陵翁。

送同落第者東歸

東門有行客。落日滿前山。聖代誰知者。滄洲今獨還。片雲歸海莫。流水背城閑。余亦依嵩嶺。一作松華深閉關。

送客還幽州

惆悵秦城送獨歸。薊門雲樹遠依依。秋風一作來莫射南來雁。從一作遣乘春更北飛。

楊柳送客一作楊州

青楓江畔白蘋洲。楚客傷離不待秋。君見隨朝更何事。楊柳津一作南渡水悠悠。

大禮畢皇帝御丹鳳門改元建中大赦

大明曠曠天地分。六龍負日升天門。鳳凰飛來銜帝籙。言我萬代金皇孫。靈雞鼓舞承天赦。高翔百尺垂朱幡。宸居穆清受天歷。建中甲子合上玄。昊穹景命卽已至。王事乃是酬乾坤。升中告成答元貺。泥金檢玉昭鴻恩。云亭之策略可記。七十二君寧獨尊。下臣有上封禪表。久而未就歸陵園。

述懷寄衡州令狐相公

調元方翼聖。軒蓋忽言東。道以中樞密。心將外理同。白頭生遠浪。丹葉下高楓。江上蕭疏雨。何人對謝公。

輕薄篇

豪不必馳千騎。雄不必在郭作垂雙鞬。天生俊氣自相逐。出與鸚鵡同飛翻。朝行九衢不得意。下鞭走馬城西原。忽聞燕雁一聲去。回鞍郭作挾彈平陵園。歸來青樓曲未半。郭作卒美人玉色當金尊。淮陰少年不相

下酒酣半笑倚市門。安知我有不平色。白日欲暝紅塵昏。死生容易如反掌。得意失意由一言。少年但飲莫相問。此中報讐亦報恩。

宮怨

露濕晴華春宮一作殿。香月明歌吹在昭陽。似將海水添宮漏。共滴一作長門一夜長。

遊子吟

女羞夫婿薄。客羞主人賤。遭遇同衆流。低回媿相見。君非青銅鏡。何事空照面。莫以衣上塵。不謂心如練。人生當榮盛。待士勿言倦。君看白日馳。何異絃上箭。

飲馬歌

百馬飲一泉。一馬爭上游。一馬噴成泥。百馬飲濁流。上有滄浪客。對之空嘆息。自顧纓上塵。徘徊終日夕。爲問泉上翁。何時見沙石。

春日晉祠同聲會集得疏字韻

風壤瞻唐本。山祠閱晉餘。水亭開帟幕。巖樹引簪裾。地綠落猶少。林黃柳尙疏。菱苕生皎鏡。金碧照激虛。翰苑聲同舊。賓筵醉止初。中州有遼雁。好爲繫邊書。

答竇二曹長留酒還榼

榼小非由圖一作榼。星郎是酒星。解醒原有數。不用嚇劉伶。

奉和武相公郊居寓目

黃扉晚下禁垣鐘。歸坐南闈山萬重。獨有月中高興盡。雪峯明處見寒松。

答廣宣供奉問蘭陵居

居北有朝路。居南無駐人。勞師問家第。山色是南鄰。

喜入蘭陵望紫閣峯呈宣上人

薤草開三徑。巢林喜一枝。地寬留種竹。泉淺欲開池。紫閣當疏牖。青松入壞籬。從今安僻陋。蕭相是吾師。

詣紅樓院尋廣宣供奉不遇留題

柿葉翻紅霜景秋。碧天如水倚紅樓。隔窗愛竹無人問。遣向隣房覓戶鉤。

紅樓下聯句

佛刹接重城。紅樓接一作太清。紫雲連照耀。丹檻鬱崢嶸。廣宣棖棟烟虹入。軒窗日月平。參差五陵晚。分背

八川明。益松韻風初過。蓮陂浪欲傾。敬瞻疑誦涌。一作見。圍繞學無生。杜羔

宣上人病中相尋聯句

策杖迎詩客。歸房理病身。用收無效藥。遍寄有情人。廣宣草木分千品。方書問六陳。還知一室內。爾我卽天

親。益

八月十五日夜宣上人獨遊安國寺山庭院步月李舍人十兄遲明將至因話昨宵乘興聯句見廣宣集

九重城接天華界。三五秋生一夜風。行聽漏聲雲散後。遙聞天語月明中。廣宜含涼閣。迥通仙掖。承露盤高。出上宮。誰問獨愁門外客。清談不與此宵同。益

重陽夜集蘭陵居與宣上人聯句

蟋蟀催寒服。茱萸滴露房。酒巡明燭刻。籬菊暗尋芳。益新月和秋露。繁星混夜霜。登高今夕事。九九是天長。廣宣

與宣供奉攜瓊尊歸杏谿園聯句

千畦抱甕園。一酌瓊尊酒。惟有沃洲僧。時過杏谿叟。益追歡君適性。獨飲我空口。儒釋事雖殊。文章意多偶。廣宣

蘭陵僻居聯句

潘岳閒居賦。陶潛獨酌謠。二賢成往事。三徑是今朝。廣宜生幸逢唐運昌。時奉帝堯。進思諧啓沃。退混卽漁樵。益蠹簡封延閣。瑠欄闔上霄。相從清曠地。秋露浥蘭苕。杜羔

天津橋南山中各題一句

野坐分落席。益山行繞菊叢。草執中。雲衣惹不破。諸葛。秋色望來空。賈島

與僧法振同賦應門照綠落

宮上何年月。應門何歲落。清光一以照。白露共徘徊。益珠履久行絕。玉房重未開。妾心正如此。昭陽歌吹

來。
法振

喜見外弟又言別

十年亂離後。長大一相逢。問姓驚初見。稱名憶舊容。別來滄海事。語罷莫天鐘。明日巴陵道。秋山又幾重。

乞寬禪師瘿山疊呈宣供奉

石色凝秋蘚。峯形若夏雲。誰留秦苑地。好贈杏谿君。

古別離

雙劍欲別風。一作淒然。雌沈水底雄上天。江回漢轉兩不見。雲交雨合知何年。古來萬事皆由命。何用臨

岐苦涕漣。一作臨瀨
苦相連

獻劉濟

草綠古燕州。鶯聲引獨遊。雁歸天北畔。春盡海西頭。向日華偏落。馳年水自流。感恩知有地。不上望京樓。

蓮塘驛在野
貽界

五月渡淮水。南行繞山陂。江邨遠雞應。竹裏聞綠絲。楚女肌髮美。蓮塘烟霧滋。菱華覆碧渚。黃雀雙飛時。渺渺沂洄遠。憑風託微詞。斜光動流睇。此意難自持。女歌本輕豔。客行多怨思。女蘿蒙幽蔓。擬上青桐枝。

哭柏巖禪師

遍與傍人別。臨終盡不愁。影堂誰爲掃。坐塔自看修。白日鐘邊晚。青苔鉢上秋。天涯禪弟子。空到柏巖遊。

古瑟怨

破瑟悲秋已滅絃。湘靈沈怨不知年。感君拂拭遺音在。更奏新聲明月天。

春夜聞蘧

寒山吹蘧喚春歸。邊客相看一作逢。淚滿衣。洞庭一夜無窮雁。不待春來盡北飛。

揚州送客一本題下有蘧二字

南行直入鷓鴣羣。萬歲橋邊一送君。聞道笛裏望鄉聞一作不得。梅華暗落隴頭雲。

避暑女冠

霧裏烟裾雲母冠。碧琉璃華一作瑤。簾井冰寒。焚香欲使降一作三清一作青。鳥靜拂一作桐陰上玉壇。

行舟

柳華飛吹一作入正行舟。臥引菱華信碧流。聞道風光滿揚子。天晴共上望鄉樓。

送人歸岳陽

烟草連天楓樹齊。岳陽歸路子規啼。春江萬里巴陵戍。落日看沈碧水西。

上汝州郡樓

黃昏鼓角似邊州。三十年前上此樓。今日山城州一作對垂淚。傷心不獨爲悲秋。

寫情

水紋珍簾思悠悠千里佳期一夕休從此無心愛良夜任他明月下西樓

隨宮燕

燕語如傷舊國春宮華一落旋成塵自從一閉風光後幾度飛來不見人

揚州早雁

江上三千雁年年過故宮可憐江上月偏照斷根蓬

一本有下漏字樓

話舊金一作應老一作逢春喜又悲看華行拭淚倍覺下樓遲

逢歸信偶寄

無事將心寄柳條等閑書字滿芭蕉鄉關若有東流信遣送揚州近驛橋

贈毛仙翁

玉樹溶溶仙氣深含光混俗似無心長愁忽作鶴飛去一片孤雲何處尋

長干行

黃魯直云李白集中長篇乃李益所作胡震亨從之增

憶妾深閨裏烟塵不曾識嫁與長干人沙頭候風色五月南風興思君下巴陵八月西風起想君發揚子去來悲如何見少離別多湘潭幾日到妾夢越風波昨夜狂風度吹折江頭樹渺渺暗無邊行人在何處好乘浮雲驄佳期蘭渚東鴛鴦綠浦上翡翠錦屏中自憐十五餘顏色桃華紅那作商人婦愁水復愁風

和丘員外題湛長史舊居

昔降英王顧。屏身幽巖曲。靈波結繁筍。爽籟赴鳴玉。運轉春華至。歲來山草綠。青松掩落暉。白雲竟空谷。伊人撫遺歎。惻惻芳又縟。云誰敷美香。分毫寄明牧。

與王楚同登青龍寺上方

連岡出古寺。流睇移芳讌。鳥沒漢諸陵。草平秦故殿。搖光淺深樹。拂木一作水參差燕。春心斷易迷。遠目傷難徧。壯日各輕年。莫年方自見。

漢宮少年行

君不見上宮警夜營八屯。琴瑟街鼓朝朱軒。玉塔霜仗擁未合。少年排入銅龍門。暗聞絃管九天上。宮漏沈沈清吹繁。平明走馬絕馳道。呼鷹挾彈通繚垣。玉籠金鎖養黃口。探雛取卵伴王孫。分曹陸博快一擲。迎歡先意笑語喧。巧爲柔媚學優孟。儒衣嬉戲冠沐蟻。晚來香街經柳市。行過倡舍宿桃根。相逢杯酒一作酒後。一言失。迴朱點白聞至尊。金張許史伺顏色。王侯將相莫敢論。豈知人事無定執。朝歡莫戚如掌翻。椒房寵移子愛奪。一夕秋風生戾園。徒用黃金將買賦。寧知白玉暗成痕。持杯收水水已覆。徒薪避火火更燔。欲求四老張丞相。南山如天不可上。

紫駟馬

爭場看鬪雞。白鼻紫駟嘶。漳水春閨晚。叢臺日向低。歇鞍珠作汗。試劍玉如一作爲泥。爲謝紅梁燕。年年妾

獨棲。

送歸中丞使新羅册立弔祭一作李端詩

東望扶桑日。何年是到時。片帆通雨露。積水隔華夷。浩渺風來遠。虛明鳥去遲。長波靜雲月。孤島宿旌旗。別葉傳秋意。迴潮動客思。滄溟無舊路。何處問前期。

金吾子

繡帳博山鑪。銀鞍馮子都。黃昏莫攀折。驚起欲棲烏。

山鷓鴣詞一本題上無山字

湘江斑竹枝。錦翅鷓鴣飛。處處湘雲合。郎從何處歸。

立秋前一日覽鏡

萬事銷身外。生涯在鏡中。唯將滿鬢雪。明日對秋風。

代人乞華

繡戶朝眠起。開簾滿地華。春風解人意。一作欲吹落妾西家。

上洛橋

金谷園中柳。春來似舞腰。何堪好風景。獨上洛陽橋。

揚州懷古

故國歌鐘地。長橋車馬塵。彭城閣邊柳。偏似不勝春。

水宿聞雁

早雁忽爲雙。驚秋風水窗。夜長人自起。星月滿空江。

府試古鏡

舊是秦時鏡。今藏古匣中。龍盤初挂月。鳳舞欲生風。石黛曾留殿。朱光適在宮。應祥知道泰。鑑物覺神通。肝膽誠難隱。妍媸信易窮。幸居君子室。長願免塵蒙。

贈宣大師

一國沙彌獨解詩。人人道勝惠林師。先皇詔下徵還日。今上龍飛入內時。看月憶來松寺宿。尋華思作杏谿期。因論佛地求心地。祇說常吟是住持。

漢宮詞

一作韓翃詩
漢室翃集作家在。長陵小市東。翃集作珠簾繡戶對春風。君王昨日移仙仗。玉輦將迎入漢中。翃集作宮

江南曲

一作韓翃詩
長樂華枝雨點銷。江城日莫好相邀。春樓不閉葳蕤鎖。綠水回連宛轉橋。

宿石邑山中

浮雲不共此山齊。山靄蒼蒼望轉迷。曉月暫飛高樹裏。秋河隔在數峯西。

寄贈衡州楊使君

湘竹斑斑湘水春。衡陽太守虎符新。朝來笑向歸鴻道。早晚南飛見主人。

途中寄李二

一作戎
二作詩

楊柳含烟灞岸春。年年攀折爲行人。好風若借低枝便。莫遣青絲掃路塵。

寄許鍊師

一作戎
二作詩

掃石焚香禮碧空。露華偏溼蕊珠宮。如何說得天壇上。萬里無雲月在中。

失題

此盧綸詩。題作赴
州留別故人。

世故相逢各未閑。百年多在別離間。昨夜秋風今夜雨。不知何處入空山。

句

閒庭草色能留馬。當路楊華不避人。

見張爲
主客圖

笳簫漢恩繁。旌旗邊色故。

馬汗凍成霜。

